

Siunnersuummut nassuiaatit

Nassuiaatit nalinginnaasut

1. Aallaqqaasiut

Illuliortiternernut aningaasalersuineq pillugu Inatsisartut inatsisissaattut siunnersuutip illuliortiternernut aningaasalersuineq pillugu Inatsisartut peqqussutaannut nr. 1, 7. maj 2007-imeersumut aamma illuliortiternernut aningaasalersuineq pillugu inatsisartut peqqussutaat nr. 5, 26. maj 2010-meersukkut allanngortinneqarsimasumut taartaavoq.

Siunnersuutigineqarpoq inissianik nammineq pigisanik nutaanik sanaartornermi aningaasalersuinermit pisortat taarsigassarsisitsisarnerat siunissami kommuninit taamaallaat isumagineqalissasoq. Inissianik nammineq pigisanik nutaanik sanaartornermi aningaasalersuinermit kommuniniit taarsigassarsianut killiliineq allanngortinneqarpoq taamaalilluni nutaanik illuliortiternerit annertunerusumik nunami siaruartinniarnearlutik.

Iluarsaassinerit aningaasalersornissaannut soraarnermusiaqartunut taarsigassarsisitsineq pillugu aalajangersakkanik ikkussisoqarpoq. Aalajangersakkat aningaasanut inatsimmi oqaasertaliussani manna tikillugu iluarsiinernik nangitsinerupput.

Piffissaq sioqqullugu inaaraluni akiliinissanut illunik nutaanik sanaartornermit aningaasalersuinessamut taarsigassarsiat maannakkut nalinginut ammaassisoqarpoq. Siunnersuut aqqissuussineruvoq nutaaq aamma pisortat aningaasaatitigut pituttuinerisa annikillisinneqarnissaanut iluaqutaassalluni.

Kiisalu pisortanut akilerneqarsimanngitsunik akiitsoqartillugu taarsigassarsianik qinnuteqaatinik tunniussinernillu malittarisassaqaartitsisunik aalajangersakkanik ikkussisoqarluni.

2. Siunnersuummi immikkoortut pingaarnertit

2.1 Illunik nutaanik sanaartornermit taarsigassarsiat

M²-imut ataatsimut aningaasartuutit taarsigassarsiffiusinnaasut annerpaaffissaannik killiliineq allanngortinneqarpoq. Maleruagassat atuuttut malillugit inissiap angissusaa siullernut 65 m²-inut killiliussa 15.500 kr.-iupput aamma 66 – 110 m²-ini inissiap angissusaani m²-imut ataatsimut 10.250 kr.-iullutik. Naliliisoqarpoq inissianik nutaanik sanaartornermit aningaasartuutit tamarmiusut agguaqatigiissillugu m²-imut ataatsimut 20.000 kr.-iussasut.

§ 4-mi siunnersuutigineqarpoq inissianik nutaanik sanaartornermit aningaasartuutit tamarmiusut tunngavigalugit taarsigassarsisitsisoqarsinnaasoq. Taarsigassarsiali inissiaq 110 m²-iusoq tunngavigalugu annerpaamik naatsorsorneqarsinnaalluni aamma m²-mut ataatsimut annerpaamik 20.000 kr.-inut sanaartornermit aningaasartuutit tunngavigalugit.

M²-mut ataatsimut pisortat taarsigassarsisitsinerat inissianut mikisunut angisuunullu assigiip-poq. Inissiat mikisut inissianut anginerusunut naleqqiullutik m²-mut ataatsimut qaffasinnerusumik taarsigassarsinissamut periarfissaqanngillat. Manna tikillugu inissianut mikisunut allanut naleqqiullugu qaffasinnerusumik taarsigassarsisitsineq pillugu maleruagassat inissianik mikinerusunik amerlanernik kinguneqarsimannngillat.

2.2 Aningaasat taarsigassarsiarineqartut allanngorartinneri

Siunnersuummi §§ 5-8 malillugit sumiiffiit ataasiakkaat apequtaatillugit inissianik nutaanik sanaartornermut aningaasalersuinissamut assigiinngitsunik annertussuseqartunik taarsigassarsisitsisoqarsinnaavoq. Siunnersuummi siunertaq tassaavoq Nuup avataani inissianik sanaartornermut sinaakkusiussat pitsaanerutinissaat peqatigisaanillu Nuummi inissianik sanaartornermut aningaasalersuinerup nalinginnaasuunissaa aallartillugu.

Nuuk eqqarsaatigalugu inissianik nutaanik sanaartornermut taarsigassarsiat annertussusiisa annikilliarortinneqarnissaat siunnersuutigineqarpoq taamaalillunilu kingusinnerpaamik januaarip aallaqqaataanit 2027-miit sunniuteqalersumik taarsigassarsinissamut neriorsorneqarnissamut periarfissaarutissalluni. Kommuneqarfik Sermersuup inissianik aningaasalersuinermut pisortat taarsigassarsiarititaasa pingaarnersiorneqarnerat isumagisaraa.

Inissianik nutaanik sanaartornermut taarsigassarsiat annertussusaannut killiliinerit nunamut agguarneqarnissaannut siunnersuut maannakkut aningaasaqarnikkut inissisimanermik aamma niuerfimmi atukkat atorlugit aningaasalersuinissap anguneqarnissaanik aallaaveqarpoq. Illoqarfinni nunaqarfinniluunniit ataasiakkaani aningaasaqarnikkut inissisimanerit allanngornerini inissianik nutaanik sanaartornermut taarsigassarsiat annertunerusumik ikilisikkiartorerisa atorunnaarsinnissaasalu agguarneqarnerisa eqqarsaatigeqqinnissaat pissutissaqarsinnaassaaq.

2.3 Soraarnermusiaqartunut taarsigassarsiat

Siunnersuummi kapitali 4-mi inissiaareersunik iluarsaassinerit aningaasalersornissaannut soraarnermusiaqartunut taarsigassarsisitsineq pillugu aalajangersakkanik ikkussisoqarpoq. Aalajangersakkat aningaasanut inatsimmi oqaasertaliussani manna tikillugu iluarsiinernik nangitsinerupput, tak. AI 2017, konto pingaarneq 89.72.11, oqaasertaliussat nr. 3.

Siunnersuutip kingunerisaanik maannakkut aaqjissuussinermut naleqqiullugu allilerisoqarpoq. Aningaasat taarsigassarsiarineqarsinnaasut 150.000 kr.-iniit 300.000 kr.-inut qaffanneqassasut siunnersuutigineqarpoq. Siunnersuutigineqarpoq aamma inuit tjestemand-itut soraarnerussutisiallit aamma taarsigassarsinissamut qinnuteqarsinnaassasut. Kiisalu siunnersuutigineqarluni inissiami soraarnermusiaqartup aapparisaanik piginneqataaffiusumi iluarsaassinerit taarsigassarsisitsisoqarsinnaassasoq. Aapparisaq aamma soraarnermusiaqartuunissaanut piumasaqaateqanngilaq.

Siunnersuummi siunertaq tassaavoq soraarnermusiaqartut nammineq angerlarsimaffimmini najugaqaannarnissaannut periarfissat pitsaanerulersinnissaat.

2.4 Akiitsut akiligassat akilerneqarsimangitsut

Siunnersuummi § 29 malillugu piffissami qinnuteqarfiusumi 25.000 kr.-it sinnerlugit pisortanut suli akilersimangisanik akiitsoqartunut qinnuteqartunut taarsigassarsinissaq pillugu neriorsuummik nalunaaruteqartoqarsinnaangilaq.

Tassunga atatillugu § 34-imi siunnersuutigineqarpoq pisortanut suli akilersimangisanik akiitsoqartunut inunnut taarsigassarsianik tunniussisoqartassangitsaq. Taamaattoqartillugu suli akilinngisat akiitsut aqqinnissaannut Akiliisitsiniarnermut oqartussanut ilaatigut akiliisoqassaaq.

2.5 Piffissaq sioqqullugu inaaraluni akiliineq

§ 37-imi siunnersuutigineqarpoq inissianik nutaanik sanaartornermut taarsigassarsiat piffissaq sioqqullugu aamma maannakkut nalinginut inaaraluni akiliisoqarsinnaassasoq. Siunnersuut tassaavoq aqqissuussineq nutaaq aamma inissiani nutaamik sanaartorneqartuni pisortat aningaasaatitigut pituttuinerisa annikillisinneqarnissaannut iluaqusiinissaq. Maannakkut nalinganut inaaraluni akiliinermi maannakkut nalinga piffissamut ernialersuiffiunanilu akilersuiffiusussaangitsumut sinneruttumut naleqqiullugu piffissami inaaraluni akiliiffiusumi taarsigassarsiat nalingi naatsorsorneqassapput. Ernialersuineq taamaalilluni ukiut 15-it tikillugit annerpaamik ingerlanneqarsinnaavoq.

Maannakkut nalinganut sioqqutsisumik akiliineq ernialiussaq (3 %) tunngavigalugu pissasoq siunnersuutigineqarpoq, tamatuma atornerqarnera pisortanut taarsigassarsititsisunut aammalu taarsigassarsisunut iluaqutaassalluni.

Naatsorsuinermit assersuut:

Inissiamik piginnittoq 2010-imi juulimi katillugit 500.000 koruuninik 20/20/60 atorlugu taarsigassarsiarititanik akuerineqarpoq tunineqarlunilu, kommunimut 250.000 koruuninik aamma Namminersorlutik Oqartussanut 250.000 koruuninik agguarneqarlutik. Taarsigassarsiarititat 2030-imi juuni tikillugu ernialersugaanatillu akilersugassaangillat, tamatuma kingorna 3 procentinik + diskonto-mik ernialerneqarlutik aammalu ukiuni 15-inik utertillugit akilersorneqassallutik.

Inissiamik piginnittoq 2018-imi martsimi sioqqutsisumik akiliinissamik qinnuteqarpoq. Taarsigassarsiarineqartut ataatsimut katillugit 500.000 koruuniusut piffissap ernialersuiffiunanilu akilersuiffiusussaangitsup sinnerani 3 procentimik ernialerneqarpoq. Pisumi tassani ukiut 12-it. Taarsigassarsiarineqartunut akigititaq tamatuma kingorna naatsorsorneqarpoq imatut $100 * 1/(1 + 3/100)^{12} = 70,14$ aammalu akiitsut sinneruttut akilernissaannut inissiamik piginnittup 350.700 koruunit akilissavai, kommunimut aamma Namminersorlutik Oqartussanut 175.350 koruuninik annertussuseqartut.

Piffissap ernialersuiffiunanilu akilersuiffiunngitsup sinnera	Nalinga
15	64,19
14	66,11
13	68,10
12	70,14
11	72,24
10	74,41
9	76,64
8	78,94
7	81,31
6	83,75
5	86,26
4	88,85
3	91,51
2	94,26
1	97,09
0	100,00

2.6 Qularnaveeqqusiussat isumannaarneri

Illumik tunisinermi qularnaveeqqusiussat isumannaarnissaannut aaqqissuussinermik pilersitsisoqarsinnaanersoq eqqarsaatigineqarsimavoq, tassani piginnittoq, imaluunniit illumi qularnaveeqqusiussami taarsigassarsiatigut kinguaattoorsimasinnaalluni. Naliliisoqarpoq inissiamik piginnittup aningaasaqarnikkut inissisimaneranut pissutaasut tunuliaqutaasullu naammattumik sillimaffigalugit maleruagassanik nalinginnaasumik saqqummiussisoqarsinnaanngitsoq. Maleruagassat taamatut ittut peqatigisaanik akiitsoqartup pisisumit nutaamik tiguneqanngitsut akiitsut ilaannik isumannaarinissamut tamatuma kingorna periarfissaqarnissaa sillimaffigisusaammassuk.

Inissianik piginnittut pillugit akiitsutigut ajornartorsiutit taamaattumik maleruagassat atuuttut malillugit isumaginiarneqartussaassapput, assersuutigalugu illunik pinngitsaaliinikkut akitsorterussisoqarnera pillugu, pinngitsaaliinikkut akiitsunik millilerinerit pillugit aamma akiitsunik isumannaarineq pillugu. Pinngitsaaliinikkut akiitsunik millilerinerit pillugit aamma akiitsunik isumannaarineq pillugu maleruagassanut aamma ilaapput qularnaveeqqusiinikkut isumannaarneqartut pissarsiassat ilai, qularnaveeqqusiussap nalinganit matussuserneqanngitsut.

3. Pisortanut aningaasaqarnikkut allaffissornikkullu kingunerisassai

Maannakkut siunnersuuteqarnermi Namminersornerullutik Oqartussanut imaaliillaannarluni sipaartoqarnissaa siunnerfigineqanngilaq. Manna tikillugu 20/20/60-imik aaqqissuussinermi

inissianik nutaanik sanaartornermut Namminersorlutik Oqartussat taarsigassarsitsinerannut manna tikillugu aningaasat immikkoortinneqartartut pissusissamisoortumik 2018-imut Aningaasanut inatsimmi ingerlateqqinneqassanngillat.

Kommuninut suliasamik nuussinermut atatillugu, kommuninut ataatsimoortumik tapiissutit qaffanneqassapput. Kommunit taamaalillutik nutaanik inissialiornerup aningaasalersorneqarnissaanut taarsigassarsitsinermut atatillugu allaffissornermut aningaasalersuinernullu akissusaaffik tigussavaat.

Siunnersuutip kingunerisaanik inissianik nutaanik sanaartornermut aningaasalersuinermut taarsigassarsiat annertussusaat nunami assigiinnngissitaassapput. Kommuneqarfik Sermersooq eqqarsaatigalugu Nuummi inissianik nutaanik sanaartornermut aningaasalersuinissamut taarsigassarsianut aningaasartuutini sipaaruteqarneq pissutsit allanngunngippata ukiuni arlalinni piviusunngortinneqassapput. Paarlattuanillu Tasiilami, Paamiuni, Ittoqqortoormiuni aamma nunaqarfinni aningaasartuutit qaffannissaat piviusunngortinneqassalluni.

Kommunit ataatsimut eqqarsaatigalugit siunnersuut aningaasaqarnikkut sunniuteqassanngilaq. Inissianik nutaanik sanaartornermut aningaasalersuinissamut taarsigassarsinissamut aningaasat kommunit missingersuutaanni kommunit immikkoortitsissapput. Taamaaqataanik kommunit kisimiillutik siunissami inissialiornermut aningaasalersuinissamut pisortat taarsigassarsiarititassaannik pingaarnersiuneq isumagisarilissavaat.

Kommunit manna tikillugu soorlu taamaassimasoq inissiat nutaanik sanaartornerinut aningaasalersuinissamut taarsigassarsiasat pillugit qinnuteqaatinik sulianik suliarinnineq isumagissuaat.

Inissianik nutaanik sanaartornermut aningaasalersuinissamut taarsigassarsiat pillugit sulianik nutaanik Namminersorlutik Oqartussat suliaqassanngillat. Piffissap ingerlanerani taarsigassarsianik ingerlasunik aqutsineq atorunnaarsitsineq isumannaarinerillu naapertorlugit annikilliar-tussaaq.

Taarsigassarsiarititat atuutereersut maannamut naliusumut sioqqutsisumik akiliisinnaanermut periarfissaqarneq pillugu siunnersuummi § 37, missingersuusiarineqartunit siusinnerusukkut iluanaaruteqartitsilluni pisortat karsiinut iluaquusiinnaassaaq. Pisortanit taarsigassarsiarititat maannakkut naliusunut sioqqutsisumik akilerneqarnissaannut siusinnerusukkut ammaassisoqarsimanngilaq. Tunngavigineqartut tunngavigalugit taarsigassarsisut qassit periarfissamik atuissanersut, missingersorneqarsinnaanngilaq.

4. Inuusutissarsiuuteqartunut aningaasaqarnikkut allaffissornikkullu kingunerisassai
Pingaarnertigut isigalugu siunnersuut inuusutissarsiortunut aningaasaqarnikkut imaluunniit allaffissornikkut kinguneqartitsinissaa naatsorsuutigineqanngilaq.

Inissianik nutaanik sanaartornermut aningaasalersuinerup taarsigassarsiat killiinik allanngui-nerup siunertaraa illoqarfinni nunaqarfinnilu arlalinni inissianik nutaanik sanaartornermut si-naakkusiussat pitsaanerulersinnissaat peqatigisaanillu Nuummi inissianik sanaartornermik aningaasalersuineq nalinginnaasunngortillugu.

Aningaasalersuisarnerup allanngortinnera piffissami ikaarsaarfiusumi Nuummi sanaartornermik ingerlataqarnermut sunniuteqarsinnaassaaq. Taamaattorli Grønlandsbanken A/S aamma BankNordik naliliipput pisortat taarsigassarsisarnerisa annikilliarortinnerini atorunnaarsik-kiartuaartinnerinilu Nuummi inissianik nutaanik sanaartornermut realkredit-imit aningaasa-lersuinissaq suli anguneqarsinnaassasoq. Grønlandsbanken A/S aamma BankNordik naliliisimapput taarsigassarsititsinerup atugassarititaasuni siunnersuutigineqartuni taakkunani Nuummi inissianik nutaanik suli sanaartornissamut tunngavissaqarumaartoq.

Siunnersuutip kingunerisaanik kommunalbestyrelsini ataasiakkaani inissianik nutaanik sa-naartornermut taarsigassarsitsineq pillugu qinnuteqaatinik taamaallaat tunniussisoqarsin-naassaaq. Taamaaqataanik taarsigassarsiat tunniunneqarnissaat pillugu noqqaaneq taamaal-laakommunalbestyrelsimut nassiuunneqartussaassaaq. Inuussutissarsiortut – sanaartortut namminersortut – eqqarsaatigalugit tamanna allaffissornermik annikitsumik oqilisaanermik kinguneqarsinnaavoq.

5. Avatangiisinut, pinngortitamut innuttaasullu peqqissusaannut kingunerisassai

Pingaarnertigut isigalugu siunnersuut avatangiisinut, pinngortitamut aamma innuttaasut peqqissusiannut kinguneqassasoq naatsorsuutigineqanngilaq.

Inissianik nutaanik sanaartornermut aningaasalersuinerup taarsigassarsiat killiinik allanngui-nerup siunertaraa illoqarfinni nunaqarfinnilu arlalinni inissianik nutaanik sanaartornerup annertunerulernissaa peqatigisaanillu Nuummi inissianik sanaartornermik aningaasalersuineq nalinginnaasunngortillugu.

Illoqarfinni nunaqarfinnilu arlalinnik inissianik annertunerusumik sanaartorneq inissianik pis-utsit pitsaanerulernerannik tamatumalu kingunerisaanik innuttaasut peqqissusiisa pitsaaneru-lernerannik kinguneqassaaq.

Sumiiffinni aamma piffissami sanaartorfiusumi avatangiisinut pinngortitamullu kinguneqartit-sisoqartassaaq. Sanaartornerli pilersaarusiornermi inatsisinut atuuttunut sinaakkusiussat ilu-anni ingerlanneqassalluni. Inissiat nutaat illoqarfinni nunaqarfinni sanaartorfiusut iluanni sa-naartorneqassapput pisariaqartumillu innaallagissamut, imermut kuuffinnillu atassutilerneqar-lutik.

6. Innuttaasunut kingunerisassai

Inissianik nutaanik sanaartornermut aningaasalersuinerup taarsigassarsiat killiinik allanngui-nerup siunertaraa illoqarfinni nunaqarfinnilu arlalinni inissianik nutaanik sanaartornerup an-

nertunerulernissaa peqatigisaanillu Nuummi inissianik sanaartornermik aningaasalersuineq nalinginnaasunngortillugu.

Nuummi innuttaasut, inissiamik nutaamik sanaartorneqarsimasumik piserusuttut eqqarsaa-tigalugit pissutsit allanngunngippata siunnersuutip kingunerissavaa aningaasalersuinissakkut aningaasartuutissat qaffanneri. Inissianik niuerfimmi ingerlataqartut aningaasalersuinissamut periarfissat allanngornerinut qanoq tulluarsassanersut siumoortumik aalajangiiffigineqarsin-naanngilaq.

Nuup avataani innuttaasunut, inissiamik nutaamik sanaartorneqarsimasumik piserusuttut eq-qarsaatigalugit pissutsit allanngunngippata aningaasalersuineri aningaasartuutissat apparne-rinik kinguneqassaaq. Aamma tassani inissianik niuerfinni pineqartuni ingerlataqartut ani-ngaasalersuinissamut periarfissat allanngornerinut qanoq tulluarsassanersut siumoortumik aalajangiiffigineqarsinnaanngilaq.

7. Kingunissat annertuut allat

Naliliisoqarpoq siunnersuut annertuunik allanik kinguneqartitsissanngitsoq.

8. Oqartussanik suleqatigiiffinnik il.il. tusarniaaneq

Siunnersuut ulloq 11. maj 2017 uani www.naalackersuisut.gl tusarniaanermut nittartakkami tamanut saqqummersinneqarpoq ulloq 13. juni 2017 tusarniaanermut killiliunneqarluni.

Siunnersuut tusarniaaffigineqartuni ukunani piffissami 9. Maj 2017-imit 13. Juni 2017-imit tusarniutigineqarsimavoq:

Naalackersuisut Siulittaasuata Naalackersuisoqarfia
Pinngortitamut Avatangiisinullu Naalackersuisoqarfik
Aningaasaqarnermut Akileraartarnermullu Naalackersuisoqarfik
Aatsitassanut Naalackersuisoqarfik
Aalisarnermut Piniarnermullu Naalackersuisoqarfik
Inuussutissarsiornermut, Suliffeqarnermut, Niuernermet, Nukissiornermullu
Naalackersuisoqarfik
Isumaginninnermut, Ilaqutariinnermut, Naligiissitaanermut Inatsisinillu Atuutsinermet
Naalackersuisoqarfik
Peqqissutsimut Nunanilu Avannarlerni Suleqatigiinnermet Naalackersuisoqarfik
Ilinniartitaanermut, Kultureqarnermut, Ilisimatusarnermet Ilageeqarnermullu
Naalackersuisoqarfik
Namminiilivinnermet, Nunanut Allanut Nunalerinnermullu Naalackersuisoqarfik
A/S Inissiaatileqatigiiffik INI
Iserit A/S
Agerskov Consulting ApS
Lynges Bolig & Erhverv

Grønlands Ejendoms kontor
Igdlo ApS
Netbolig.gl
LM ejendomme
KANUKOKA
Qaasuitsup Kommunia
Qeqqata Kommunia
Kommuneqarfik Sermersooq
Kommune Kujalleq
KANUNUPE
SIK (Sulinermik Inuussutissarsiuqartut Kattuffiat)
Sulisitsisut (GE)
Peqqinnissaq Pillugu Kattuffiit (PPK)
Nunatsinni Perorsaasut Kattuffiat
Atorfillit Kattuffiat (AK)
IMAK (Ilinniartitsisut Meeqqat Atuarfianeersut Kattuffiat)
Kalaallit Nunaanni Akademikerit Kattuffiat (ASG).
Mittarfeqarfiit A/S
Nukissiorfiit A/S
Asiaq
Kalaallit Nunaanni Naalagaaffiup Sinnisoqarfia
Kalaallit Nunaanni Politimestereqarfik
Kalaallit Nunaata Eqqartuussivia
Grønlandsbanken
Danskebank
Banknordik
BRFkredit
DLRkredit A/S
Nykredit
Finanstilsynet

Tusarniaaffigineqartut makkua siunnersuummut oqaaseqaatissaqaratik nalunaarput:

Nukissiorfiit A/S
Kommuneqarfik Sermersooq
Ilinniartitaanermut, Kultureqarnermut, Ilisimatusarnermut Ilageeqarnermullu
Naalakkersuisoqarfik
Kalaallit Nunaanni Politimesteri
Asiaq
Aningaasaqarnikkut Nakkutilliisut
Aatsitassanut Ikummatissanullu Naalakkersuisoqarfik

Piffissap tusarniaaffiusup naanerani tusarniaaffigineqartunit ukunannga akissutit tiguneqarput, tusarniaanermi akissutinut oqaaseqaatit uingasumik allataapput:

IMAK-ip siunnersuut neriulluarnartutut isigaa, tassami maannakkut Nuup avataani sumiiffinni arlalinni nammineq inissiamik pisisinnaaneq pitsaanerusunik periarfissaqarfigineqalissamat, pissutigalugu sumiiffinni realkredit-imit taarsigassarsivigineqarsinnaangitsuni imaluunniit taarsigassarsinissamik ajornakusoorfiusuni pisortat annertunerusunik taarsigassarsititsisarlernissaannut periarfissiisoqarmat.

SIK-p siunnersuut taperserpaa, ilanngullugu iluarsaassinissamut aningaasalersuinissamut soraarnermusialinnut taarsigassarsititsinissamik periarfissamik annertusititsineq, kvadratmeterimut aningaasartuutit taarsigassarsivigineqarsinnaasut annerpaaffissaannut killiliussap allanngortinneqarnera kiisalu taarsigassarsiaritanut killiliussat allanngorartinneqarnerannik atuutsitsilerneq.

Aningaasaqarnermut Akileraartarnermullu Naalakkersuisoqarfik erseqqissaanermut imaluunniit aaqqissuussinermut tunngasunik assigiinngitsunik oqaaseqaateqarpoq. Taakkua pisariaqarnerat malillugu ilanngunneqarput.

Nykredit Realkredit

§ 1 imm. 2, uniffiup aappaa pillugu

”Taamaattorli inuussutissarsiutit annikinnerusut namminersorfiusut tassani pineqanngillat.”
”Annikinnerusut” suunersut nalornissutigineqalersinnaammata, tamatumunnga taarsiullugu siunnersuutigaarput, Realkreditimit taarsigassarsiat aamma realkredit-imi obligationit il.il. pillugit inatsimmi § 14 imm. 3-mituulli annikinnerpaaffissanut maleruagassap assinga atorneqassasoq:

Imm. 3. Illuutip suussusaa minnerpaamik illuutip ataatsimut katillugu ilanngaasiinnginnermi annertussusaata 80 %-ianik annertussuseqarpat, illuutip suussusaanut tassunga maleruagassat malillugit illuut tamakkerlugu taarsigassarsivigineqarsinnaavoq.

Tassalu 20 %-ia tikillugu inuussutissarsiummik namminersorfiusumik ingerlatsinissaq akuerisaavoq.

Akissut

Oqaasertaliineq ”Taamaattorli inuussutissarsiutit annikinnerusut namminersorfiusut tassani pineqanngillat” inissianik aningaasalersuineq aamma piginneqatigiilluni inissiat pillugit inatsisini atuuttuni atorneqarpoq aammalu inatsisit taakkua naapertorlugit taarsigassarsititsinermut ilaatillugu qularnaveeqqusiusaarluni taarsigassarsititsinermut uppersaatini ilanngunneqarluni. Oqaasertaliussaqaq maannamut suliaqarnermi ajornartorsiuteqartitsimangilaq.

Inissiap namminersorfiusumik inuussutissarsiutinut atorneqarnerani killiliusaaq qaangerneqarsimanersoq, ataasiakkaatigut nalilersuineq apeqqutaassaaq. Siunnersuummi § 1, imm. 2-mut nassuiaatini ”inuussutissarsiutit annikinnerusut namminersorfiusunut ” killiliusaaq qaangerneqarsimasutut isigineqarsinnaanersoq ataasiakkaatigut nalilersuisarneq nassuiarneqarpoq.

Inissiat pisortanit taarsigassarsititsiviusimasut, annertussuseq atorneqartoq ilanngaasiinginnermi inissiap annertussusaata 20 %-ianit annertunerusimanngippat, ataatsimut isigalugu namminersorfiusumik inuussutissarsiornermut atorneqarsinnaanerisa akuerineqarnissaa naleqqutinngitsutut isigineqarpoq.

§ 11-imut nassuiaatit pillugit

Imm. 2-mut nassuiaatini allassimavoq ”Taarsigassarsiaq akilersuinikkut annikillisinneqaraluarpuunniit taarsigassarsiat atsiorneqarneri nikissanngillat.” Kingusinnerusukkut aamma tassani allassimavoq ”Kommunalbestyrelsi taarsigassarsiat atsiorneqarnerisa angissusiata appartinneqarnera pillugu aamma taarsigassarsiat atsiorneqarnerisa angissusiat atorlugu taarsigassarsianik pisisup tigusinerani qularnaveeqqusiinnermi allagartamik uppernarsaalluni atsiugaqassaaq.”

Taamaalilluni uagutsinnut ersarinngilaq suut atuunnersut; tassa imaappoq qularnaveeqqusiinnermi allagartami taarsigassarsiat atsiorneqarnerisa angissusiat appartinneqarnerisoq imaluunniit taamaanginnerisoq?

Akissut

Immikkoortup oqaasertai allatut oqaasertalerneqarput.

§ 12 imm. 1 litra 3) pillugu

Tassani allassimavoq kommunalbestyrelsi taarsigassarsiarititai, taarsigassarsisup inissiaq sukumiisumik sillimasersimanngippagu, akilerneqartussanngussasut.

Ilisimasaq tamanna kommunalbestyrelsi suminngaaniit ilisimalersimassaneraa paasissallugu soqutigaarput? Kalaallit Nunaanni sillimmasiisarfiit kommuninut ilisimatitsissuteqarnissamik pisussaaffeqarpat (qularnaveeqqusiussivigineqartut)?

Akissut

Aalajangersagaq maleruagassanit atuuttunit ingerlateqqinneqarpoq. Taarsigassarsisoq illuutip ikuallattoornissamut illuutillu ajoqusernissaanut sillimmasiissuteqarnissamut pisussaaffeqarpoq.

Taarsigassarsiat nutaat, ikuallattoornissamut illuutillu ajoqusernissaanut sillimmasiisimanermut uppernarsaalluni, tunniunneqarsinnaapput. Ikuallattoornissamut sillimmasiissut, illuum-

mi qularnaveeqqusiussisoqarsimappat, atorunnaarsinneqarsinnaanngilaq, takuuk aningaasaqarnermik suliaqarneq pillugu inatsimmi § 60.

Aalajangersagaq illuummut sillimmasiissummut akiligassap akilerneqannginnerani, suliaqarnikkut naleqquppoq. Sillimmasiissutip akilerneqarsimannginnera pillugu pisortat taarsigassarsititsisimasut paasissutissinneqarnissaannik qularnaarisumik aaqqiussuussisoqanngilaq.

§ 37 pillugu

Sioqqutsisumik akiliiniarnermi, maannakkut naliusoq 3 %-imik ernialiineq aallaavigalugu, naatsorsorneqassaaq.

Ernianut niuerfik eqqarsaatigalugu, ernaliussassap inatsimmi 3 %-imut aalajangersarneqarnera maannakkut eqarpassippoq, tassami ernianut niuerfik naluneqanngitsutut allanngorsinnaavoq aammalu sukkasuumik allanngortarluni. Siunnersuutigaarput tamatumunnga taarsiuullugu ernaliussamut niuerfimmik malinniffiusumut imaluunniit ernialiinermut X-imik assigisaanilluunniit ilallugu innersuussisoqassasoq.

Akissut

Siunnersuut ilanngunneqarpoq.

KANUKOKA

Kommunit aningaasaqarnerat

Nunatsinni kattuffik pingaarnertigut naliliivoq, kommuninut aningaasaqarnikkut sunniutaassusat inatsisissatut siunnersuummi naammanngitsorujussuarmik nassuiarneqartut.

Tassani, kommunit suliassanik maannamut 20/20/60 atorlugu taarsigassarsititsisarnerup ataaniittunik "tigusineranni" aningaasaqarnikkut qanoq taarsiivigineqarsinnaanerat qanoq iliornikkut qulakkeerneqassanersoq, ersarippasinngilaq.

Oqaatigineqassaaq ataatsimoortumik tapiissutit inatsimmi (aningaasanut inatsit) aalajangersarneqartarmata, aammalu kommuninut isumaqatigiissuteqarnissamut pisussaaffeqarfiunani. Taamaattumik inatsimmi maleruagassamik ilanngussisoqartariaqaraluarpoq, aaqqiussuussinerup nutaap allaffissornikkut aqunneqarneranut kommunit aningaasartuutaasa ataatsimoortumik tapiissutitigut imaluunniit utertitsilluni akiliuteqartarnikkut, taarsiivigineqarnerannik toqqaannartumik qulakkeeriviusumik.

Siunnersuut ataatsimut isigalugu kommuninut aningaasartuuteqarfiussanngitsoq pingaarnertigut oqaatigineqarmata akuersaarneqarsinnaanngilaq aammalu aningaasartuutit agguarneqar-

tarnerannut ilusiliaq Kommuneqarfik Sermersuup sipaaruteqarfigisassaa, kommunit sinnerinit taarserneqartussat, KANUKOKA-p akuersaarsinnaanngilaa.

Tamatuma saniatigut § 33-mut missingersuutitigut kommuninut sunniutaasussanut nassuiaatit matuma kingulianiittut innersuussutigineqarput.

Akissut

Maleruagassat maannakkut atuuttut malillugit 20/20/60 atorlugu taarsigassarsiarititassat pillugit qinnuteqaatinut atatillugu suliassanik suliarinnittarnek, kommunit isumagisaraat. Tamanna aamma kommunini siunissami pisartussaavoq, taamaattoq taarsigassarsiarititassanut tamarmiusunut isummertassalluni, tassani siusinnerusukkut Namminersorlutik Oqartussat pisortat taarsigassarsiarititassaasa affai pillugit qinnuteqaatit suliarisarsimallugit.

Suliassaqarfimmi aningaasassat maannamut Namminersorlutik Oqartussanit atorineqartartut agguarneqarnerat, Namminersorlutik Oqartussat KANUKOKA-p aamma Kommuneqarfik Sermersuup akornanni isumaqatigiissuteqarneq tunngavigalugu pissaaq.

Ataatsimoortumik tapiissutitigut imaluunniit utertillugit akiliinikkut taarsiisarnissaq pillugu inatsimmi maleruagassanik ilanngussisoqanngilaq.

§ 11, imm. 2

KANUKOKA-p 15 %-imik piginnittut nikinnerannut akilersuinissaq inassutigisinnaanngilaa, tassami tamanna kommunini annertuunik taarsigassarsititsisimasuni innuttaasunut annertuumik nanertuutaasinnaammat.

Akissut

Naliliisoqarpoq piginnittut nikinnerannut akilersuummik akiliisoqartassasoq. Inuit pisortanit ernialersugaanngitsunik akilersugassaanngitsunillu aningaasalersorneqartunik inissialiortut imaluunniit inissianik pisisut, taarsigassarsiarititat siulianiittut akilersortariaqarpaat, taamaallunilu akiitsut annikillisinneqarneranni nalinga atorineqanngitsoq taanna, piginnittut nikinneranni akilersuutit aningaasalersornissaannut ilaatinneqarsinnaassaaq.

§ 14 aamma § 19

Taarsigassarsititsisarnermik aaqjissuussinermi aamma inooqataasut, aappariinnerit nalunaarsorsimasut allallu, inatsisitigut katissimallugu aapparissamut sanilliunneqarsinnaasut, ilaatinneqartariaqaraluarput.

Akissut

Aappariinnerit nalunaarsorsimasut aamma inooqatigiinneq ukiuni kingullerni marlunni atuussimappat inooqatigiinneq katissimallugu aapparissamut sanilliunneqarsinnaasoq, katissimallugu aapparissamut sanilliunneqassasoq, aalajangersakkamik ilanngussisoqarpoq.

§ 25, imm. 2

Taarsigassarsiarititat tunniunneqarnerannut atatillugu akiliutit ilanngaatigineqartarnissaat akunnaannerusutut KANUKOKA-p isumaqarfigaa, taamaalillutik kommunit akiliutinik akiliinernik allaffissornikkut aqutsinissamut immikkut suliasamik suliarinninnermik suliakkersorneqassanatik.

Akissut

Aalajangersagaq, taarsigassarsiarititat tunniunneqarneranni akiliutip ilanngaatiginissaanut kommunalbestyrelsimut periarfissiisoq, ilanngunneqarpoq.

§ 26

KANUKOKA isumaqarpoq qularnaveeqqusiussaqaarluni taarsigassarsititsinermut uppernaarsaatip atsiorneqarneranik suliasamik suliarinninnermut akiliut 1.250 kr. Qaffasissorujussuuvog.

Akissut

Siunnersuummi § 26-imi akiliummik akiliisitsisarnermut inatsimmi tunngavissaq pillugu maannakkut maleruagassaq atuuttoq allannngortinnagu ingerlateqqinneqarpoq. Aalajangersakkami kommunalbestyrelsi akiliummik akiliisitsinissamut pisussaaffilerneqanngilaq. Kommunalbestyrelsip politikikkut pingaarnersiunerminut aammalu nalinginnaasumik allaffissornikkut suleriaatsiminut ilaatillugu akiliummik akiliisitsinngitsoorsinnaavoq imaluunniit annikinnerusumik aningaasartaqartillugu akiliummik akiliisitsisinnaalluni.

§ 33

Imm. 1-imi uniffiup aappaa kommunini taarsigassarsiarititassanut aaqqissuussinerup missingersuutitigut iliuuseqarfiginissaa pillugu annertuumik nalornilersitsivoq, aammalu sooq taarsigassarsiarititanik tunniussinermut atatillugu immikkut inatsimmi maleruagassaliortoqasannersoq ersarinngitsoq KANUKOKA isumaqarpoq.

Aaqqissuussineq tamakkerlugu kommuninut nammagassannngortinneqarlunilu suliasannngortinneqaraluartoq, 20/20/60 atorlugu aaqqissuussinerup missingersuutitigut iliuuseqarfigineqartarnera, maannamut kommuninit malinneqarsimasoq allannngortinnagu ingerlaannassasoq KANUKOKA-p inassutigaa.

Akissut

Siunnersuummi § 33-imi kommunit 20/20/60 atorlugu taarsigassarsiarititanik tunniussisarnerannut tunngatillugu maannakkut § 7 atuuttoq ingerlateqqinneqarpoq. Maannakkut atuutumi § 7, imm. 1-imi aalajangersarneqarpoq ”. kommunalbestyrelsip taarsigassarsiarititassaat siusinnerpaamik ukiumi, aningaasaliissutit missingersuutinut kommunalbestyrelsip akuerisaannut ilanngunneqarfiini tunniunneqarsinnaapput.”.

Siunnersuummi § 33 taamaalilluni 20/20/60 atorlugu aaqqissuussinermik kommunit mis-singersuutitigut iliuuseqarfiginnittarnerisa allannngortinnagu ingerlatiinnarnissaanut akornutaasoq takuneqarsinnaangilaq.

§ 34-mut

KANUKOKA-p inassutigaa, akiitsunik akilinnngitsuugaasinnaasunik akiliisitsiniartarnermut oqartussamut tunniussisarneq pillugu atugassarititaasoq, taarsigassarsititsinissamik neriorsuummi ilanngullugu allanneqassasoq, tassami taamaattoqanngippat taarsigassarsiaritit siunertamut aningaasaliiffigineqartumut tamakkerlugu tunniunneqarnissaa, qinnuteqartup taarsigassarsititsinissamik neriorsuummik pissarsisup piumasarisinnaassaneraa, apeqquserneqarsinnaammat.

Akissut

Naliliisoqarpoq taarsigassarsisoq siunnersuummi § 34-mut akerliusumik taarsigassarsiarititassamik tunineqarnissamik pisinnaatitaaffeqalersinnaangitsoq. Taarsigassarsititsinissamik neriorsuummi ilanngussinissaq pillugu piunasaqaateqartoqassappat aammalu aalajangersakkat taamaattut kukkunikkut taarsigassarsititsinissamut neriorsuummi ilanngunneqanngippata, tamanna pillugu nalornilertoqarsinnaassaaq.

§ 40

Qinnuteqartup taarsigassarsiarititaaq aaqqissuussinermut nutaamut nuutinnissaat toqqarsinnaagaa, inatsisip oqaasertaanni ersarinnerusumik allassimasariaqaralarpoq.

§ 40-mi aammattaq naatsorsuutigineqarpoq, taarsigassarsititsinissamik neriorsuut ulloq 1. januar 2018 tikitsinnagu tunniunneqarsimasooq Namminersorlutik Oqartussat akisussaaffigigaat.

Akissut

Inuk taarsigassarsitinneqarnissamik neriorsuummik pissarsisimasooq aammalu taarsigassarsiarititassat tunniunneqarsimanatik, aaqqissuussineq nutaaq malillugu taarsigassarsitinneqarnissaq pillugu neriorsuummik qinnuteqarsinnaavoq. Neriorsuutip tunniunneqareersimasup aaqqissuussinermut nutaamut nuunneqarnissaanut inatsimmi pisinnaatitaaffeqartitsisoqanngilaq.

Taarsigassarsititsinissamik neriorsuummik tunniussisoqarniariarnerani Namminersorlutik Oqartussat aningaasat Sanaartugassanut Iluarsagassanullu aningasaateqarfimmu illuartitarpai. Neriorsuut ulloq 1. januar 2018 tunniunneqarsimasooq tunngavigalugu taarsigassarsiarititassamik tunniussinissamut aningaasassat taamaalillutik Sanaartugassanut Iluarsagassanullu aningasaateqarfimmiitinneqarput aammalu Namminersorlutik Oqartussanit tunniunneqartussaallutik.

Tassa imaappoq taarsigassarsititsinissamik neriorsuut, suliassaqarfiup kommuninut tunniunneqarnissaa sioqqullugu Namminersorlutik Oqartussanit tunniunneqarsimasoq, illu sananeqareerpat aammalu qularnaveeqqusiussaqaarluni taarsigassarsititsinermut uppersaat, atuilernissamut akuersissut il.il. saqqummiunneqarpata, Namminersorlutik Oqartussanit tunniussivigineqassaaq. Taarsigassarsititsinissamik neriorsuutit peqqussut maannakkut atuuttoq naapertorlugu tunniunneqarput aammalu taanna malillugu suliarineqassallutik.

Tusarniaanermut piffissaliussap naanerata kingorna Grønlandsbanken A/S-imit, Sulisitsisunit kiisalu Ejendomskontoret Igdlo-mit tusarniaanermut akissuteqaatit tiguneqarput. Tusarniaanermut akissuteqaatit ilanngunneqanngillat, kisianni missingiutip allanngortinnissaanut pisutissaqalersitsisimassagaluartut naliliisoqarani.

Siunnersuummi aalajangersakkanut ataasiakkaanut nassuiaatit

§ 1-imut

Imm. 1-imut

Aalajangersagaq inissianik nutaanik sanaartornernut, kiisalu inissianik pioreersunik iluarsaassinermut pitsanngorsaaner nullu aningaasalersuiner mut taarsigassarsinissamut tunngavissii voq. Pitsanngorsaaner nut aamma ilaapput allilerinerinerit. Siunnersuummut ilaapput inuit aamma inatsisitigut pisinnaatitaasut pisussaatitaasullu soorlu aamma siunnersuummut ilaasut illut assigiinngitsut tamarmik.

Siunnersuummi aalajangersakkani allani taarsigassarsinissamut neriorsuutit pillugit atukkat piunnaasaqaatillu saqqummiunneqarput, tassunga ilanngullugit iluarsaassinissamut, pitsanngorsaananissamut allileriner nullu taarsigassarsiat pillugit qinnuteqartoq, piginnittoq inissiamilu najugaqartoq pillugit piunnaasaqaatit.

Imm. 2-mut

Imm. 2-p kinguneraa inissiani inuussutissarsiutinik ingerlatsiviusuniit imaluunniit ingerlatsiviusunaniit sanaartornernut, iluarsaassiner mut, pitsanngorsaaner mut allileriner nullu taarsigassarsisitsisoqassanngitsoq. Inuussutissarsiummi eqqarsaatigineqarpoq inissiaq inuussutissarsiummik ingerlatsiner mut atorneqartoq. Inissiamit tamarmiusumiit ilaannaaniilluunniit inuussutissarsiummit ingerlatsiviusut taamaattumik taarsigassarsisitsiner mut aallaaviatigut itigartitsisoqassaaq. Taamaattorli inissiamiit inuussutissarsiutinik mikisunik namminersorfiusunillu ingerlatsinissaa akuerisaalluni, inissiap annerusumik inigisatut atorneqartillugu. Tikeraat angerlarsimaffii imaluunniit tikeraanut ineeqqat, motel, cabin, hotel assigisaalu najugaqarfimmu ilaangillat.

Inissiaq annerusumik najugaqarfittut atorneqarneranik kommunalbestyrelsi aalajangersimasumik naliliissaaq. Nalinginnaasumik inissiami inuussutissarsiummut mikisumik namminersorfiusumut inuussutissarsiuteqarfik inissiap ilaatut taamaallaat annikitsuaraassaaq. Inuussutissarsiutinut annikitsunut namminersorfiusunut assersuutitut taaneqarsinnaapput kukkunersiui-nermi allaffik mikinerusooq imaluunniit ussasaariner mi allaffik, sullitattut atassuteqarfigisat illumiit anisarlutik, ulluunerani paaqqinnittoq namminersortoq imaluunniit isikkanik passusisooq.

Kingusinnerusukku inissiamiit inuussutissarsiummut aqqissuussisooqarpat imaluunniit ingerlatsisooqarpat taarsigassarsiat akilerneqarnissaat pillugu aalajangersakkamik aalajangersagaq taperneqarpoq, tak. siunnersuummi § 12, § 18 aamma § 24.

Imm. 3-mut

Inissiaq inissianut pisortat tapiissutaat pillugit inatsisinut allanut, imaluunniit inissianik sanaartornermut, iluarsaassinermut, alliliinermut pitsanngorsaaner nullu aningaasalersuineq pillugu inatsisinut allanut ilaappat siunnersuut ator neqassanngilaq. Tamanna isumaqarpoq siunnersuut inatsisinut allanut naleqqiulluni taarsiussinnaanngitsoq. Assersuutigalugu inissianik sanaartornermut, illunut ataatsimoorussanut, sanaartugassatut ikkussugassanut il.il. tapiissutit pillugit Inatsisartut peqqussutaannut ilaasunut inissianut taarsigassarsisitsisoqarsinnaanngilaq.

Pingaartinneqarpoq inissiaq inatsisinut allanut ilaanersoq. Aalajangiisuunngilaq inissiaq inatsisit allat naapertorlugit ilumut tapiissutinik pissarsiffiusinnaanersoq. Tapiissutit il.il. anguneqarnissaannut piunasaqaatit aalajangersimasut naammassineqannginneri pissutigalugit inissianik sanaartornermut, illunut ataatsimoorussanut, sanaartugassatut ikkussugassanut il.il. tapiissutit pillugit Inatsisartut peqqussutaat malillugu tapiissutinut itigartitsisoqarnerani siunnersuut una malillugu taarsigassarsinissamik qinnuteqartoqarsinnaanngilaq. Qinnutigineqartulli inissianik sanaartornermut, illunut ataatsimoorussanut, sanaartugassatut ikkussugassanut il.il. tapiissutit pillugit Inatsisartut peqqussutaannut ilaannginnera tunngavigalugu itigartitsisoqarpat siunnersuut manna malillugu taarsigassarsinissamut qinnuteqartoqarsinnaavoq.

§ 2-mut

Siunnersuut inatsisartut peqqussutaanni atuuttumi § 2-mut naapertuuppoq.

Kommunalbestyrelsi taamaallaat sanaartornermi pilersaarusionermilu inatsisinik atuuttunik naammassinnittunut sanaartornermut taarsigassarsisitsisinnaavoq. Aalajangersagaq ilaatigut sanaartorneq pillugu Inatsisartut inatsisaannut, Sanaartornermi maleruagassanut aamma pilersaarusioner neq nunaminertamillu atuineq pillugu Inatsisartut inatsisaannut ilaavoq.

§ 3-mut

Siunnersuut inatsisartut peqqussutaanni atuuttumi § 3-mut naapertuuppoq.

Taarsigassarsinissamut neriorsuut pillugu qinnuteqaammik kommunalbestyresip suliamik suliarinninnera aalajangiineralu sanaartornissamut isumaqatigiissutinik isumaqatigiissuteqarnissaq imaluunniit sanaartorluni sulinerit aallartinnissaat sioqqullugit naammassineqarsimassaaq. Taarsigassarsinissamut neriorsuummik nalunaaruteqarnissaq sioqqullugu sanaartornissamut isumaqatigiissutinik isumaqatigiissuteqartoqarsimappat imaluunniit sanaartorluni sulinerit aallartinneqarsimappata sanaartornermut taarsigassarsinissaq pillugu qinnuteqaammut kommunalbestyrelsi itigartitsissaaq.

Tamanna pissutaalluni aningaasalersuinissamut tunngaviit naammannngitsut tunngavigalugit iliuseqartoqassanngilaq. Aammattaq kommunalbestyresip itigartitsinermik nalunaaruteqarnissamut ajornakusoortitsisinnaanera naatsorsuutigalugu sanaartornermik aallartitsisima-

nerannik qinnuteqartuniit assuarnartumik tatisimaneqarsinnaanermut kommunalbestyrelsi aamma qulakkeerneqarpoq.

Kapitali 2-mut

Kapitali 2-mi inissianik nutaanik sanaartornermut kommunalbestyrelsip aningaasalersuineranut malittarisassaqtitsisoqarpoq. Siunnersuummi §§ 5-8-p inatsisartut peqqussutaanni atuuttumi § 4 taarserpaat.

§ 4-mut

Imm. 1-imut

Siunnersuut inissianik nutaanik sanaartornermut aningaasalersuinissamut kommunalbestyrelsip nalinginnaasumik taarsigassarsisitsisinnaaneranut tunngavissiivoq aamma §§ 5-8-mi malittarisassaliorneqartutut taarsigassarsinermut sinaakkusiussanut allanut innersuussilluni. Maleruagassanut atuuttunut naleqqiullugu kommunalbestyrelsi maannakkut kisimi tassaalerpoq inissianik nutaanik aningaasalersuinissamut taarsigassarsisitsisinnaasoq. Tamanna innuttaasunut oqinnerulersinnissaanik kissaateqarnermik tunngaveqarpoq, taamaalilluni ataasiinarmut saaffiginnissallutik, tassalu kommunalbestyrelsimut.

Inissianik nutaanik sanaartornermi aningaasartuutit tamarmiusut, kommunalbestyrelsip taarsigassarsisitsinissaanut naatsorsuinermit tunngaviusut, siunnersuummi § 31-imi erseqqinnerusumik malittarisassaqtinneqarput.

Imm. 2-mut aamma 3-mut

Nunaminertap taarsigassarsiffiusinnaasut aamma inissianik nutaanik sanaartornermut aningaasartuutit taarsigassarsiffiusinnaasut siunnersuummi killeqartinneqarput. Inissiap anner-tussusaa taarsigassarsiffiusinnaasut annertunerpaat tassaapput 110 m²-it, inissiaq anginerugaluarpalluunniit. Inissianik nutaanik sanaartornermi aningaasartuutit taarsigassarsiffiusinnaasut annerpaat m²-imut ataatsimut 20.000 kr.-nik annertussuseqarput, sanaartornermi aningaasartuutit annerugaluarpataluunniit.

Aningaasartuutit taarsigassarsiffiusinnaasut naatsorsornerini kommunalbestyrelsip annerpaamik taarsigassarsisitsinissaanut inatsisitigut piumasarineqanngilaq. Kommunalbestyrelsip politikikkut pingaarnersiunerminut aamma sulinerminut atatillugu annikilliliisumik tunngaveqartumik taarsigassarsisitsinissaq aalajangiiffigisinnaavaa. Kommunalbestyrelsi assersuutigalugu aalajangersinnaavoq inissiap annertussusia taarsigassarsiffiusinnaasoq annerpaaq 100 m²-inik annertussuseqassasoq inissiaq anginerugaluarpalluunniit. Kommunalbestyrelsi aalajangersinnaavoq inissianik nutaanik sanaartornermut aningaasartuutit taarsigassarsiffiusinnaasut annerpaat m²-imut ataatsimut 18.000 kr.-nik annertussuseqassasut sanaartornermi aningaasartuutit qaffasinnerugaluarpataluunniit.

Inissianik nutaanik sanaartornermi aningaasartuutiit tamarmiusut, kommunalbestyrelsip taarsigassarsisitsineranik naatsorsuinnermut tunngaviusut, siunnersuummi § 31-imi erseqqinnerusumik malittarisassaqaartinneqarput. Inissiap angissusaanik naatsorsuineq siunnersuummi § 35-mi erseqqinnerusumik malittarisassaqaartinneqarpoq.

Siunnersuutip kinguneraa kommunalbestyrelsip taarsigassarsisitsinera inissianut mikisunut angisuunullu m²-imut ataatsimut naatsorsuinera assigiippoq.

Assersuut:

65 m²-imik inissiamik sanaartornermut aningaasartuutit taarsigassarsiffiusinnaasut annertunerpaat 1.300.000 kr.-nik annertussuseqarput. 110 m²-imik inissiamik inissiamik sanaartornermut aningaasartuutit taarsigassarsiffiusinnaasut annertunerpaat 2.200.000 kr.-iupput.

§ 5-imut

Siunnersuutigineqarpoq Nuummi inissianik nutaanik sanaartornermut aningaasalersuinissamut pisortat taarsigassarsisitsinerat nalinginnaasumut inissinneqassasoq. Siunnersuutigineqarpoq taarsigassarsiat annertunerpaat piffissap ukiut qulingiluat ingerlaneranni annikilliartortinneqarlutillu atorunnaarsikkiartorneqassasut. 2027-imi januaarip aallaqqaataanit sunniuteqalersumik Nuummi inissianik sanaartornermut pisortat taarsigassarsisitsinissaat pillugu neriorsuinnermik nalunaaruteqartoqarsinnaanngilaq. Nuummi inissiat tamatuma kingorna niuerfimmimi atukkat nalinginnaasut naapertorlugit aningaasalersorneqartussanngussapput.

Imm. 1-imut

Nuummi kommunalbestyrelsi 2018-imi inissianik nutaanik sanaartornermi aningaasartuutit tamarmiusut 27 %-it tikillugit taarsigassarsisitsinissamut neriorsuummik nalunaaruteqartoqarsinnaavoq aamma siunnersuummi § 4, imm. 1-2-mi sinaakkusiussat iluanni.

Aningaasartuutit taarsigassarsiffiusinnaasut 27 %-it tikillugu kommunalbestyrelsimiit taarsigassarsinissaq inatsisitigut piunasaqaataanngilaq. Kommunalbestyrelsip politikikkut pingaarnersuinnerminut aamma nalinginnaasumik sulinnerminut atasumik sanaartornermut aningaasartuutit taarsigassarsiffiusinnaasut annikinne-rusumik procenteqartillugit taarsigassarsisitsinissaavoq.

Assersuut

Inissiamut 85 m²-iusumut aamma sanaartornermut aningaasartuutiit tamarmiusut 1.572.500 kr.-iusunut aningaasartuutit taarsigassarsiffiusinnaasut tamarmiusut 1.572.000 kr.-nik annertussuseqassapput. Kommunalbestyrelsip taarsigassarsisitsinera annerpaamik 424.574 kr.-nik annertussuseqassaaq.

Inissiamut 85 m²-iusumut aamma sanaartornermut aningaasartuutiit tamarmiusut 2.125.000 kr.-iusunut aningaasartuutit taarsigassarsiffiusinnaasut tamarmiusut 1.572.000 kr.-nik anner-

tussuseqassapput. Kommunalbestyrelsip taarsigassarsisitsinera annerpaamik 459.000 kr.-nik annertussuseqassaaq.

Imm. 2-mut aamma 3-mut

Siunnersuutip kinguneraa Nuummi inissianik nutaanik sanaartornermut taarsigassarsiat aningaasalersornissaannut kommunalbestyrelsip taarsigassarsisitsinissaanut periarfissaq annikilliskkiartuaarneqassaaq atorunnaarsikkiartorneqarlunilu. Siunnersuut Nuummi inissianik nutaanik sanaartornermut aningaasalersuisarnerup nalinginnaasumik ingerlanneqalerneranut peqataassaaq. Nuummi inissianik sanaartorneq naggataatigut niuerfimmi atukkat nalinginnaasut malillugit aningaasalersorneqartalissaaq.

Annikilliertortitsineq atorunnaarsitsiartornerlu inissianik nutaanik sanaartornermut taarsigassarsisitsinissamut neriorsuummik kommunalbestyrelsip nalunaaruteqarneranut piffissamut atavoq. Taarsigassarsiat tunniunneqarnissaannut piffissaq pillugu siunnersuummi § 33, imm. 1-imut innersuussisoqarpoq.

§ 6-imut

Qaqortumi, Sisimiuni aamma Ilulissani inissianik nutaanik sanaartornermut aningaasartuutit tamarmiusut 30 %-ii tikillugit kommunalbestyrelsi taarsigassarsisitsinissamut neriorsuummik nalunaaruteqarsinnaavoq aamma siunnersuummi § 4, imm. 1-2-imi sinaakkusiussat iluanni.

Aningaasartuutit taarsigassarsiffiusinnaasut 30 %-it tikillugit kommunalbestyrelsimiit taarsigassarsinissaq inatsisitigut piumasaqaataannngilaq. Kommunalbestyrelsip politikkikkut pingaarnersiunerminut aamma nalinginnaasumik allaffissornikkut sulinerminut atasumik sanaartornermut aningaasartuutit taarsigassarsiffiusinnaasut annikinnerusumik procenteqartilugit taarsigassarsisitsinnaavoq.

§ 7-imut

Maniitsumi, Aasianni aamma Tasiilami inissianik nutaanik sanaartornermut aningaasartuutit tamarmiusut 35 %-ii tikillugit kommunalbestyrelsi taarsigassarsisitsinissamut neriorsuummik nalunaaruteqarsinnaavoq aamma siunnersuummi § 4, imm. 1-2-imi sinaakkusiussat iluanni.

Aningaasartuutit taarsigassarsiffiusinnaasut 35 %-it tikillugit kommunalbestyrelsimiit taarsigassarsinissaq inatsisitigut piumasaqaataannngilaq. Kommunalbestyrelsip politikkikkut pingaarnersiunerminut aamma nalinginnaasumik sulinerminut atasumik sanaartornermut aningaasartuutit taarsigassarsiffiusinnaasut annikinnerusumik procenteqartilugit taarsigassarsisitsinnaavoq.

§ 8-mut

Illoqarfinni nunaqarfinnilu §§ 6-7-imut ilaanngitsuni inissianik nutaanik sanaartornermut aningaasartuutit tamarmiusut 40 %-ii tikillugit kommunalbestyrelsi taarsigassarsisitsinissamut neriorsuummik nalunaaruteqarsinnaavoq aamma siunnersuummi § 4, imm. 1-2-imi sinaak-kusiussat iluanni.

Aningaasartuutit taarsigassarsiffiusinnaasut 40 %-it tikillugit kommunalbestyrelsimiit taarsigassarsinissaq inatsisitigut piumasaqaataanngilaq. Kommunalbestyrelsi nalinginnaasumik sulinerminut atasumik sanaartornermut aningaasartuutit taarsigassarsiffiusinnaasut annikinne-rusumik procenteqartillugit taarsigassarsisitsinnaavoq.

§ 9-mut

Kommunalbestyrelsimiit taarsigassarsinissamut neriorsuuteqarnissamut piumasaqaataavoq taarsigassarsisup nammineq sanaartornermi aningaasartuutit tamarmiusut sinnerinik aningaa-salersuisinnaanera. Aamma siunnersuummi § 27-mit takuneqarsinnaavoq nammineq aningaa-salersuinissamut uppernarsaat qinnuteqaammut ilanngunneqassasoq.

Nammineq aningaasalersuinissamut uppernarsaat amerlanertigut tassaasinnaavoq inissianik nutaanik sanaartornissamut aningaaserivimmiit aamma/imaluunniit illuummik qularnaveeq-qusiilluni taarsigassarsisitsisarfirmiit aningaalersuinissamut neriorsuut. Aningaasalersuinis-samut neriorsuummi inissianik nutaanik sanaartornermut aningaasartuutit tamarmiusut pil-lugit missingersuusiamut naapertuutissaaq.

Siunnersuummi § 4-p malitsigisaanik taarsigassarsisoq 110 kvadratmeterinik anginerusunik aamma m²-imut 20.000 kr.-nik akisunerusunik sanaartorsinnaavoq. Taarsigassarsisulli inis-sianik nutaanik sanaartornermi aningaasartuutit tamarmiusut nammineq aningaasalersortus-aallugit, aningaasartuutit taarsigassarsiffiusinnaasut saniatigut. Aningaaserivimmi taarsi-gassarsisoqarsinnaavoq, illuummik qularnaveeqqusiilluni taarsigassarsisitsisarfirmi taarsi-gassarsisoqarsinnaavoq imaluunniit allatigut aningaasalersuisoqarsinnaalluni.

§ 10-mut

Siunnersuut inatsisartut peqqussutaanni atuuttumi § 7, imm. 2-4-mut naapertuuppoq.

Imm. 1-imut

Kommunalbestyrelsip taarsigassarsisitsinera inissiami nutaami qularnaveeqqusiinikkut qulak-keerneqassaaq. Kommunalbestyrelsimut qularnaveeqqusiinermi allagartaq assersuutigalugu inissianik nutaanik sanaartornermut aningaasartuutit tamarmiusut sinnerinik sillimmasiiner-mullu akiliussinermi aningaasalersuinissamut taarsigassarsianut qulakkeerutitut illuummik qularnaveeqqusiilluni taarsigassarsisitsisarfirmiit aamma aningaaserivimmiit atulersinneqar-tut qularnaveeqqusiinermi allagartat ataqqissavai. Kommunalbestyrelsip qularnaveeqqusiiner-

mi allagartaa Kalaallit Nunaanni Eqqartuussivimmi nalunaarsuinermi allattaavimmi illumut quppernermi nalunaarsorneqassaaq.

Imm. 2-mut

Kommunalbestyrelsip taarsigassarsisitsinera ullormiit atulersitsinermi akuersinermiit naatsorsorneqartumik ukiut 20-it tikillugit ernialersugaanatillu akilersugassaannngillat. Tamatuma kingorna piffissami ukiut 15-it tikillugit taarsigassarsiat ernialersorneqarlutillu akilersugaassapput. Taarsigassarsiat tamarmiusumik akilersorneqarnissai taamaalilluni ukiut 35-it angusinnaavai. Ukiuni 15-imi taarsigassarsiat akilersorneqarnerini erniat aalajangersimasuussapput. Erniat ullormiit atulersitsilluni akuersinermiit ukiuni 20-imi erniaritittakkatut 3 procentpointinik ilallugit piffissamut akilersuiffiusussamut tamarmiusumut aalajangersarneqassapput.

Taarsigassarsinermi allagartap qanoq iluseqarnissaa suullu piumasaqaataassanersut kommunalbestyrelsimit aalajangersarneqassapput. Kommunalbestyrelsi qanoq iluseqarnissaanik suullu piumasaqaataassanersunik aalajangersaanermi Inatsisartut inatsisaannut tassungaluunniit atatillugu aalajangersarneqarsimasunut akerliusumik aalajangersagaliorsinnaannngilaq. Piginnittut nikinneri, allatigut pingaarnersiuneq aamma atorunnaarsitsineq pillugit qularnaveeqqusiinermi allagartami amerlanertigut aalajangersakkat ilanngunneqartarput.

Imm. 3-mut

Aalajangersagaq pisortanit taarsigassarsiat akilersorneri pillugit maleruagassanik aalajangersaanissamut Naalakkersuisunut tunngavissiivoq. Piginnaatitsinerup aalajangersimasumik pisartumik ingerlaffiusut naatsorsornissaa pillugu maleruagassanik aamma taarsigassarsiat akilersornerinut tunngatillugu suliami pissutsinik pisariaqartitsisoqassappat ilaatigut atorneqarnissaa eqqarsaatigineqarpoq.

§ 11-mut

Siunnersuummi § 11, imm. 1 aamma 4 inatsisartut peqqussutaanni atuuttumi § 8, imm. 1-2-mut naapertuupput. Imm. 4-imi allaffissornikkut suleriaaseq tunuliaqutaralugu erseqqissaasoqarpoq. Siunnersuummi piginnittut nikinnerini akitsuut pillugu § 11, imm. 2-3 nutaajupput.

Imm. 1-imut

Kommunalbestyrelsip taarsigassarsisitsinera piginnittut nikinnerini akilerneqartussannngussanngilaq. Aalajangersagaq piginnittut nikinnerinut assigiinngitsunut tamanut atuuppoq, assersuutigalugu inuit, inatsisitigut pisinnaatitaasut pisussaataitaasullu akornanni piginnittut nikinneri imaluunniit aamma inatsisitigut pisinnaatitaasut pisussaataitaasullu akornanni piginnittut nikinneri.

Kommunalbestyrelsi piginnittut nikinneri pillugit tamatigut ilisimatinneqartassaaq. Aalajangersagaq tassaavoq malittarisassaaq, taamaalilluni qularnaveeqqusiinermi allagartaaq naapertorlugu kina akiitsortitit isigineqassanersoq erseqqissaasoqarluni.

Piviusumik illumik tunisisup qulakkeertussaavaa kommunalbestyrelsi taarsigassarsisitsisutut akiitsortit nikinnerini akuliunnissaa taamaalillunilu qularnaveeqqusiinermi allagartaq naaper-torlugu akisussaajunnaarnermut tunisisoq uppernarsaateqassalluni. Tamanna amerlanertigut pisarpoq qularnaveeqqusiinermi allagartamut tapiliussaqaarnikkut imaluunniit taarsigassarsi-sumit akuerineqartumik akiitsut tiguneqarnerinik nalunaaruteqarnikkut. Piviusumik pisisoq aamma illumi siunissami taarsigassarsianut akuersineq pillugu kommunalbestyrelsimut qin-nuteqartussaassaaq.

Imm. 2-mut

Aalajangersagaq nutaajuvoq.

Siunnersuutigineqarpoq piginnittut nikinnerini tamani kommunalbestyrelsip taarsigassarsi-sitsinerani taarsigassarsiat atsiorneqarnerisa angissusiata 15 %-imik piginnittut nikinneranni akitsuummik akiliisassasoq. Taarsigassarsiat atsiorneqarneri tassaapput qularnaveeqqusiiner-mi annertussusiusut. Taarsigassarsiaq akilersuinikkut annikillisinneqaraluarpuunniit pigin-nittut nikinnerannut akilersuutissaq taarsigassarsiassatut atsiorneqartut tunngavigalugit naat-sorsorneqassaaq. Piginnittut nikinnerini akiliummik akiliineq tassaavoq inissiamik pisisup kommunalbestyrelsip taarsigassarsisitsineranik tigusinerani piumasaqaataasoq taamaalillunilu tunisisoq taarsigassarsisitsinermit peqataajunnaarsinneqarluni. Piviusumik tunisisoq pigin-nittut nikinnerannik akitsuummik kommunalbestyrelsimut akiliivoq. Kommunalbestyrelsi taarsigassarsiat atsiorneqarnerisa angissusiata appartinneqarnera pillugu aamma piginnittut nikinneranni akilersuutip akilerneqareernerani akiitsut sinneruttut atorlugu taarsigassarsianik pisisup tigusinerani qularnaveeqqusiinermi allagartamik uppernarsaalluni atsiugaqassaaq.

Imm. 3-mut

Aalajangersagaq siunnersuummi imm. 2-mut atassuteqarpoq aamma inissiat nutaamik sanaar-torneqartut qanoq ilinerani tiguneqarnerinik erseqqissaalluni tassungalu atasut taarsigassarsi-nermut neriorsuutit piginnittut nikinnerattut isigineqassallutik aamma piginnittut nikinneranni akitsuummik akiliinissamat pisussaaffeqarluni.

Imm. 4-mut

Imm. 4-imi piginnittut nikinnerini taarsigassarsiat annertussusaat pisortat taarsigassarsisitsine-ranni annerpaamik ataqqisassaat aalajangersarneqarpoq. Piginnittoq nutaaq nutaanik taarsi-gassarsisinnaavoq imaluunniit siusinnerusukkut piginnittup taarsigassarsiaanut inississin-naalluni.

Erseqqissarneqarpoq siuliani taarsigassarsiat annerpaat naatsorsorneranni niuernerme aningaa-sartuutit ilanngullugit naatsorsorneqassasut. Nuussinermi aningaasartuutinut ilaapput illumik pisinermut atasut aningaasartuutaasartut. Tassaniipput eqqartuussisuserisunut, piginnittuuner-mi uppernarsaammi aamma qularnaveeqqusiinermi allagartanik naqissusiinermi akitsuutit kii-salu aningaaserivimmi aamma illuummik qularnaveeqqusiilluni taarsigassarsisitsisarfimmi

taarsigassarsinermi aningaasartuutit assigiinngitsut. Manna tikillugu suleriaatsit malillugit inissianut nalinginnaasunut niuernermi aningaasartuutit ataqineqartut 100 – 150.000 kr.-nik qaffasissuseqartarput. Inissianili nalitunerusuni niuernermi aningaasartuutit 150.000 kr.-inik qaffasinnerusinnaallutik.

Atuuffiusoq imatut assersuusiornikkut takutinneqarsinnaavoq:

Taarsigassarsisoq inissiamik 110 kvadratmeterimik aamma kvadratmeterimut 20.000 kr.-ineqartumik sanaartorpoq. Inissiap sanaartornerani aningaasartuutit tamarmiusut 2.200.000 kr.-iupput. Taakkunanga kommunalbestyrelsip taarsigassarsisitsinera 660.000 kr.-iullutik.

Ukiut tallimat kingorna illu tunineqarpoq. Illu 2.200.000 kr.-inut tunineqarpoq. Pisisoq piginnittut nikinnerannut atatillugu 2.200.000 kr.-it annerpaamik 90 procentiinik kommunalbestyrelsimi taarsigassarsisitsinerit 561.000 kr.-it (660.000 kr.-it piginnittut nikinnerini akitsuutit ilanngaatilugit) ilanngaatilugit aamma niuernermi aningaasartuutit missiliorneqartut 75.000 kr.-it tapiliullugit illuummik qularnaveeqqusiilluni taarsigassarsisitsisarfirmi nutaamik taarsigassarsinissamut periarfissaqarpoq.

Tassa imaappoq pisisoq annerpaamik 1.494.000 kr.-nik illuummik qularnaveeqqusiilluni taarsigassarsisitsisarfirmi taarsigassarsisinnaavoq, taakkulu kommunalbestyrelsimi taarsigassarsiat ataqqisussaallugit.

Kommunalbestyrelsip taarsigassarsisitsinera sioqqullugu taarsigassarsinermik nutaamik sallitinneqartumik pisisup taarsigassarsisinaaneranut annerpaaffimmik killiliussiaq ikkunneqarpoq piginnittup nikinnerisa kingorna kommunalbestyrelsip taarsigassarsisitsineranut suli qulakkeerinnittoqarsinnaanera qulakkeerniarlugu.

§ 12-imut

Siunnersuut inatsisartut peqqussutaanni atuuttumi § 9-mut naapertuuppoq. Imm. 1-imi nr. 6-7 akiliisoqarnissaanut tunngaviusutut nutaatut ikkunneqarput.

Aalajangersakkap taarsigassarsiat qanoq ilinerani akiligassanngortissinnaanerini malittarisassaqtitsivoq. Taarsigassarsiat akiligassanngortinneqarnerat isumaqarpoq taarsigassarsisoq taarsigassarsiat tamaasa ataatsikkoortillugit akilernissaannut pisussaaffeqartoq. Piumasaqaat ileqqusumik akiliisitsiniartarfimmut tunniunneqassaaq.

Imm. 1-imut

Nr. 1-imut

Taarsigassarsisup ernianik akilersuutinillu piffissaq eqqorlugu akiliinnginnerata kingunera tassaavoq taarsigassarsiat akiligassanngortinneqarneri.

Nr. 2-mut

Illuliornermut taarsigassarsineq peqatigisaanik taarsigassarsisumut pisussaaffiliivoq illu isumannaatsumik aserfallatsaalineqarnissaa illumi taarsigassarsiap qularnaveeqquteqarnerata atuunna tamaat. Taarsigassarsisup pisariaqarfiatigut illuummi atortut taarsertassavai iluarsaattassallugilluunniit, assersuutigalugu qaliaq igalaalluunniit ussiitsut taarserlugilluunniit iluarsaallugit. Tamatuma saniatigut taarsigassarsisup illuut ataavartumik aserfallatsaaliussavaa, assersuutigalugu illuutip silataa pisariaqartitsineq naapertorlugu qalipatsinneqartarnissaa.

Nr. 3-mut

Ikuallattoornissamut illullu ajoqusersinnaaneranut inissiamik sillimmasiinermi akiligassanik akiliinngitsoorneq akiliinissamut tunngaviuvoq, inissiamik sillimmasiinermi akiligassanik kinguaattoornerit kommunalbestyrelsi qularnaveeqqusiinerata nalinganut annertuumik aarlerinartorsiortitsimmata.

Ikuallattoornissamut illullu ajoqusersinnaaneranut sillimmasiineq tassaavoq illuutitut nalinginnaasumik ikuallattoornissamut illullu ajoqusersinnaaneranut sillimmasiissut.

Nr. 4-mut

Attartornermi inatsisinut qaqugukkulluunniit atuuttunut akerliusumik inuup pigisaanik inissiamik taarsigassarsiffiusimasumik attartortitsineq akiliinissamut tunngaviuvoq. Attartornermi inatsisit malillugit qaffasinnerusumik attartornermi akiliuteqartitsineq taamaalilluni akiliinissamut tunngaviuvoq.

Aalajangersakkamut tunngavilersuutaavoq taarsigassarsisut iluaqusiisumik pisortat aningaasalersuinerisigut peqatigisaanik attartornermi inatsisit atuuttut unioqquillugit attartortitsinnaanngimmata aamma taarsigassarsiat utertillugit kommunalbestyrelsi akileqqusinnaassamatigit.

Nr. 5-imut

Taarsigassarsisimasup inissiaminiit inuussutissarsiummik ingerlataqarneranik aalajangersimasumik naliliisussa q tassaavoq kommunalbestyrelsi. Siunnersuummi § 1, imm. 2-mut inner-suussisoqarpoq.

Nr. 6-imiit nr. 7-imut

Piginnittut nikinnerini akitsuut tassaavoq taarsigassarsineq naapertorlugu akiliinissamut pisussaaffiusoq aamma akiliinngitsoorneq ernianik aamma nalinginnaasumik akilersuutunik akiliinngitsoornermut sanillunneqarsinnaasoq. Taarsigassarsisup piginnittut nikinneri pillugit nalunaaruteqanngitsoornera piginnittut nikinnerini akitsuummik akiliinngitsoornissamik misilinnertut iluseqarsinnaavoq.

Imm. 2-mut

Inuup inissiaanik inatsisitigut pisinnaatitaasumik pisussaatitaasumullu attartortitsineq attartorneq pillugu inatsimmut atuuttumut ilaangilaq.

Imm. 2-mut siunnersuutip kinguneraa inissiat taarsigassarsiffiusut, aamma inatsisitigut pisinnaatitaasunut pisussaatitaasunullu attartortitsinermi attartorneq pillugu inatsit atuuttoq naapertorlugu attartornissamut pisussaaffeqarnerat. Attartorneq pillugu inatsimmut qaquguk-kulluunniit attuuttumut akerliusumik piumasaaqateqarluni inissiap inatsisitigut pisinnaatitaasumut pisussaatitaasumullu attartortitsineq akiliinissamut tunngaviuvoq. Attartorneq pillugu inatsit malillugu qaffasinnerusumik attartornermi akiliisitsineq taamaalilluni akiliinissamut tunngaviuvoq.

Aalajangersakkamut tunngavilersuutaavoq taarsigassarsisut iluaqusiisumik pisortat aningaasalersuinerisigut peqatigisaanik attartornermi inatsisit atuuttut unioqquutillugit attartortitsinnaangimmata aamma taarsigassarsiat utertillugit kommunalbestyrelsip akileqqusinnaaniasammattigit.

§ 13-imut

Imm. 1-imut

Inuit tamarmik inissiamik piginnittut tassanilu najugaqartut, tak. § 14, taarsigassarsiniarlutik qinnuteqarsinnaapput. Tamanna assersuutigalugu aamma attartortumiit piginnittuunermut aaqqissuussineq malillugu inissianik tigusisimasunut atuuppoq, tak. Namminersornerullutik Oqartussat aamma kommuni attartortitsinermi inissiaataasa nammineq pigisanut inissianut allangortitsineq pillugu inatsisartut peqqussutaanni maleruagassat. Taamaattorli pisortat tapiinerat, tapiissutaat pillugu imaluunniit inissianik iluarsaassinermut pitsanngorsaanermullu aningaasalersuineq pillugu inatsisinut allanut ilaasunut inissianut taarsigassarsisitsisoqarsinnaangilaq, tak. siunnersuummi § 1, imm. 3.

Iluarsaassinernut pitsanngorsaanernullu assersuutigalugu ilaapput illup qallersuutai, igalaat matullu silarliit, qaliat, innaallagissamik pilersuinermi atortut, kuuffiit, isaarissat, naqitsineq iluaqutigalugu imermut kuuffiit assigisaalu.

Imm. 2-mut

Taamaallaat inissiamut tassunga ataasiaannarluni taarsigassarsisitsisoqarsinnaavoq. Tamanna allangortitsisoqarnani inatsisartut peqqussutaannik atuuttumik nangitsineruvoq.

Tamanna kingusinnerusukkut piginnittut nikinnerat apeqqutaatinnagu atuuppoq. Taamaalilluni iluarsaassinernut, pitsanngorsaanernut allilerinernullu arlalinnik taarsigassarsisitsisoqarsinnaangilaq. Aalajangersakkami siunertaavoq inissiami ataatsimi iluarsaassinernut anginerusunut, pitsanngorsaanernut annertuunut kiisalu allilerinernut kommunalbestyrelsip taamaallaat taarsigassarsisitsinikkut aningaasalersuisinnaavoq. Taamaalilluni isumaangilaq inissiamik

ingerlaavartumik aserfallatsaaliuinernut aningaasartuutitut kommunalbestyrelsi taarsigassarsisitsisassasoq. Aningaasartuutit taakku piginnittup nammineq akilissavai.

Imm. 3-mut

Inissiap annertussusaata allilerinerup kingorna 110 m²-inik anginerulersitsisumik inissiamik allilerinissamut taarsigassarsisitsisoqarsinnaangilaq. Qinnuteqartoq qinnuteqaatiminut itigartinneqassaaq. Inissiap angissusaa allilerinerup kingorna 110 m²-inik anginerulinnginnissaanut qinnuteqaatip allangortinnissaanut qinnuteqartoq kaammattorneqarsinnaavoq.

§ 14-imut

Imm. 1-imut

Nr. 1-imut

Taarsigassarsisitsineq inissiamik piginnittumut taamaallaat tunniunneqarsinnaavoq aatsaallu piginnittoq nammineq, piginnittup aappaa imaluunniit meeqqat mikinerusut inissiami najugaqarpata. Attartortitsinermi inissianut iluarsaassinissamut il.il. taarsigassarsisitsisoqarsinnaangilaq.

Nr. 2-mut

Pisoqaassutsit killeqartinnissaanut siunertaq tassaavoq taarsigassarsiat illunut pisoqaanerusunut, iluarsaanneqarnissamik pitsanngorsaanissamillu pisariaqartitsisunut siunnerfeqartinnissaat, illunillu nutaajunerusunik piginnittut iluarsaassinernik pitsanngorsaanernillu nammineq aningaasalersuisinnaassallutik.

Nr. 3-mut

Iluarsaassinernut il.il. taarsigassarsiat ernialersorneqarnatillu akilersugassaangillat. Iluarsaassinernut il.il. kommunalbestyrelsip taarsigassarsisitsinera inissiami qularnaveeqqusiisogarneratigut qulakkeerneqassaaq, tak. siunnersuummi § 16.

Ikuallattoornissamut illullu ajoqusersinnaananut inissiamik sillimmasiinermi akiligassanik akiliinngitsoorneq akiliinissamut tunngaviuvoq, tassa inissiami sillimmaserneqangitsumi ikuallattoornissamut illullu ajoqusersinnaananut inissiamik sillimmasiinermi akiligassanik kinguaattoornerit kommunalbestyrelsip qularnaveeqqusiinerata nalinganut annertuumik aarlerinartorsiortitsimmata, tak. siunnersuummi § 18, imm. 1, nr. 2.

Qinnuteqartoq piffissami qinnuteqarfiusumi inissiamik sillimmasiisimangippat imaluunniit akiliutitigut kinguaattoorsimappat qinnuteqaatip suliarinissaa imaluunniit taarsigassarsinissamut neriorsuummik nalunaaruteqarnissaq isumaqassangilaq.

Imm. 2-mut

Kommunalbestyrelsimut taarsigassarsitinneqarnissamut piunasaqaataavoq taarsigassarsisup nammineerluni aningaasartuutit sinneruttut aningaasalersussagai. Nammineq aningaasalersui-

nissamut uppersarsaat tassaannerusarpoq taarsigassarsinissamik qinnuteqartup aningaaserivianit nalunaarut naatsoq, tassani allassimasarluni taarsigassarsisoq aningaasalersuutissaminut atugassaqarnermut periarfissaqartoq.

Imm. 3-mut

Inuit nalunaarsorsimaffiatigut paasineqarsinnaavoq utoqqalinersiuteqartoq katissimanngitsoq inummik inersimasumik allamik najugaqateqarnersoq. Inuit taamaattut katissimallugu aappariinnertut ittumik inooqatigiinnersut, misissornissaanut tunngavissaqarsinnaavoq. Taamatut pisoqarnersoq imaluunniit taamaattoqannginnersoq, assersuutigalugu ataatsimoorussamik aningaasaqarneq, ataatsimoorluni qitornat, ataatsimoorluni sulinngiffeqarluni angalasarnerit ilaalu ilanngullugit pillugit qinnuteqartup nammineerluni paasissutissiinera aallaavigalugu aalajangerneqassaaq.

Inuit nalunaarsorsimaffianni nalunaarsortinnissamik pisussaaffeqarnermi, Qitiusumi Inuit nalunaarsorsimaffiat pillugu Kalaallit Nunaannut inatsisip atuutsinneqalernissaa pillugu peqqusut nr. 1198, 29. november 2006-imeersoq malinneqassaaq. Qinnuteqartoq allamik najugaqateqarpat, assersuutigalugu ilaqtaminik, katissimallugu aappariinnermut assingusumik inooqatigiinneq atuutissanngilaq.

§ 15-imut

Siunnersuummi iluarsaassinerit imaluunniit pitsanngorsaanerit taarsigassarsiffiusinnaasut nasuiaateqarfigai. Iluarsaassinernut imaluunniit pitsanngorsaanerit taarsigassarsiffiusinnaasunut ilisarnaataavoq inissiap ilaanut ilaareersunut tunngasuuneri.

Igaffimmut nutaamut taarsigassarsisitsisoqarsinnaanngilaq, igaffiup pisoqaanerusoq aamma igaffik atorqeersinnaanngitsoq taarsinngippagu. Igaffimmut nutaamut taarsigassarsineq taamaallaat nalinginnaasumik igaffinnut tunniunneqarsinnaavoq igaffinnut immikkut pigissaarfiusutut atortoqanngitsunut.

Taamaattorli pisut ilaanni taamatut taarsiinerit aalajangersakkamut ilaasunik suliat ilaanut ilaasinnaapput. Assersuutigalugu perusersartarfimmik taarsiineq imaluunniit pilersitsineq inissiami kuuffinnik suliaqarnermut ilaatinneqarsinnaavoq, taamaalilluni sulianut taakkununga ataatsimoortumik taarsigassarsisitsisoqarluni.

Pingaarnertut najoqqutassatut inuulluataarniutitut isikkoqartunut iluarsaassinernut imaluunniit pitsanngorsaanerit, assersuutigalugu spabadimut, saunamut, igaffinnut akisuunut, uffarfinnut akisuunut allanullu ikkussuussanut akisuunut taarsigassarsisitsisoqarsinnaanngilaq. Aalajangiineq kommunalbestyrelsimit isumagineqartumik aalajangersimasumik naliliinermik tunngaveqassaaq.

§ 16-imut

Iluarsaassinernut il.il. taarsigassarsinerit taarsigassarsinertut ernialersugaanngitsutut akilersugassaangitsutullu tunniunneqassapput. Taarsigassarsianut qularnaveeqqutitut inissiami qularnaveeqqusiilluni allagartamik taarsigassarsisoq atulersitsissaaq. Qularnaveeqqusiilluni allagartap inissiami akisussaaffigisat allat ataqqissavai.

§ 17-imut

Taarsigassarsiat inissiamik piginnittumut aamma piginnittup inissiami najugaqarneranut taarsigassarsiaapput. Taarsigassarsisup illumik tunisinerani taarsigassarsiat akiligassanngussapput. Tamannali atuutinnigilaq inissiap taarsigassarsisup aappaanut tunisinermi imaluunniit kommunalbestyrelsi allamik aalajangiisimassappat.

Isumaqatigiisummut ilaangitsumut allamut tunisisoqarnerani kommunalbestyrelsi aalajangersinnaavoq taarsigassarsiat pisisumit piumasaqaatit allannngortinnagit imaluunniit allannngortillugit tiguneqassasut. Kommunalbestyrelsi pisut naapertorlugit aamma pisisoq taarsigassarsianik ernianik akilersuutinillu akilersuisinnaatinnagu tamanna ingerlatiinnartissinnaavaa assersuutigalugu kingusinnerusukkut ernialersuinissaq aamma akilersuinissaq pillugu piumasaqaateqarnikkut.

Piviusumik inissiarpassuit inoqatigiinni ilaasortamit ataatsimit pigineqartarput, ilaasortallu allat inissiami inuit allattorsimaffianni nalunaarsugaasarlutik inissiami piginnittutut nalunaarsugaanngikkaluarlutik. Inissiamik piginnittoq taarsigassarsisimasorlu piginnittutut nalunaarsorisamasoq assersuutigalugu sapertut najugaqarfiannut nuuppat, aamma piginnittup katinnikuumagu inooqataa imaluunniit piginnittup meerai najugaqartut inissiaq tigullugu taava kommunalbestyrelsi immikkut nalilersuereernermi kingorna aalajangersinnaavoq piginnittut nikinrerinut atasumik taarsigassarsiat ingerlaannartumik akilerneqartussatut inissinneqassanngitsut. Tamanna aamma atuutissaaq piginnittup inooqatigiinneq atorunnaarsippagu, aamma piginnittup siusinnerusukkut inooqatigisimasaata tassunga atatillugu inissiamik tigusaqarpat.

Taarsigassarsisimasoq toqukkut qimaguppat aapparisaalu kingornussassatut suliarineqanngitsumiiginnarpat tamanna piginnittut nikinnerattut isigineqassanngilaq. Ataatsimut najugaqarfimmi nikittoqarnerani pippat imaluunniit aapparisaq kingornussassatut suliarineqanngitsumi inummut isumaqatigiisummut ilaangitsumut tunisinikkut inissiamik iliuuseqarpat aatsaat piginnittut nikinnerat pissaaq.

§ 18-imut

Siunnersuut inatsisartut peqqussutaanni atuuttumi § 15-imut naapertuuppoq. Inatsisitigut pisinnaatitaasunut pisussaataasunullu attartortitsinermi akiliinissaq pillugu imm. 2 nutaaq ikkunneqarpoq.

Aalajangersakkami taarsigassarsiat qanoq ilinerani akiligassanngortinnissaannik malittarisas-saqartitsivoq. Tamanna isumaqarpoq taarsigassarsisoq taarsigassarsiat tamaasa ataatsikkoor-tillugit akilernissaannut pisussaaffeqartoq. Piumasaqaat ileqquusumik akiliisitsiniartarfimmut tunniunneqassaaq.

Nr. 1-imut

Illuliornermut taarsigassarsineq peqatigisaanik taarsigassarsisumut pisussaaffiliivoq illu isu-mannaatumik aserfallatsaalineqarnissaa illumi taarsigassarsiap qularnaveeqquteqarnerata atuunnera tamaat. Taarsigassarsisup pisariaqarfiatigut illuummi atortut taarsertassavai iluar-saattassallugilluunniit, assersuutigalugu qaliaq igalaalluunniit ussiitsut taarserlugilluunniit iluarsaallugit. Tamatuma saniatigut taarsigassarsisup illuut ataavartumik aserfallatsaaliussa-vaa, assersuutigalugu illuutip silataa pisariaqartitsineq naapertorlugu qalipatsinneqartarnissaa.

Nr. 2-mut

Ikuallattoornissamut illullu ajoqusersinnaaneranut inissiamik sillimmasiinermi akiligassanik akiliinngitsoorneq akiliinissamut tunngaviuvoq, tassa inissiami sillimmaserneqanngitsumi ikuallattoornissamut illullu ajoqusersinnaaneranut inissiamik sillimmasiinermi akiligassanik kinguaattoornerit kommunalbestyrelsip qularnaveeqquusiinerata nalinganut annertuumik aarlerinartorsiortitsimmata.

Ikuallattoornissamut illullu ajoqusersinnaaneranut sillimmasiineq tassaavoq illuutitut nali-nginnaasumik ikuallattoornissamut illullu ajoqusersinnaaneranut sillimmasiissut.

Nr. 3-mut

Attartornermi inatsisinut qaqugukkulluunniit atuuttunut akerliusumik inuup pigisaanik inis-siamik taarsigassarsiffiusimasumik ineeqqamik attartortitsineq akiliinissamut tunngaviuvoq. Aalajangersagaq inuup pigisaanik inissiami ineeqqamik attartortitsinermit taamaallaat atuup-poq, inissiaq tamarmiutillugu attartortinneqarsinnaanngimmat. Attartornermi inatsisit malillu-git qaffasinnerusumik attartornermi akiliteqartitsineq taamaalilluni akiliinissamut tunnga-viuvoq.

Aalajangersakkamut tunngavilersuutaavoq taarsigassarsisut iluaqusiisumik pisortat aningaasa-lersuinerisigut peqatigisaanik attartornermi inatsisit atuuttut unioqqullugit attartortitsisinaan-ngimmata aamma taarsigassarsiat utertillugit kommunalbestyrelsip akileqqusinnaassammati-git.

Nr. 4-mut

Taarsigassarsisimasup inissiaminiit inuussutissarsiummik ingerlataqarneranik aalajangersima-sumik naliliisussaq tassaavoq kommunalbestyrelsi. Siunnersuummi § 1, imm. 2-mut inner-suussisoqarpoq.

Nr. 5-imut

Kommunalbestyrelsip taarsigassarsisitsinera akilerneqartussangussaaq inissiaq taarsigassarsisumut inissiatut atorunnaarpat. Tamanna nalinginnaalluinnartumik atuuppoq.

Allamut nuunneq assersuutigalugu taarsigassarsisup paaqqutarineqartussat najugaqarfiannut nuunneranik peqquteqarpat pisut naapertorlugit aamma kommunalbestyrelsip aalajangersimasumik naliliinera tunngavigalugu siunnersuummilu § 17 tunngavigalugu taarsigassarsisimasup qanittukkut nuunnerani piginnittut nikinneranni taarsigassarsiat akilerneqannginnissaannik akuersisoqarneranik nalunaartoqarsinnaavoq, tak. tamanna pillugu § 17-imut nassuiaatit.

§ 19-imut

Imm. 1-imut

Iluarsaassinernut taarsigassarsisitsisoqarsinnaavoq. Akerlianilli pitsanngorsaannut imaluunniit allilerinernut taarsigassarsisitsisoqarsinnaanani. Inissiap angissusianut imaluunniit pisoqaassusianut piumasaqaateqartoqanngilaq.

Inissiamut pioreersumut utoqqalinersiuteqartumut najugaqarfiusumut iluarsaassinernut taarsigassarsisitsisoqarsinnaavoq. Aammattaaq piumasaqaataalluni utoqqalinersiuteqartut taassumalu aappaa marluullutik inissiamik kisimiillutik piginnittuunissaat. Inissiamut isersinnaanerit aalajangersimasumik agguataarsimanissaannut piumasaqaateqartoqanngilaq.

Iluarsaassinerit pilersaarutaareersut piffissanilu aalajangersimasuni pisussatut aserfallatsaalinerit pingaartumik illup qallersuutaanut pilersinneqarneranullu tunngasut utoqqalinersiaqartumullu inigisaminiiginnarnissaanut periarfissiisut isigineqarput.

Iluarsaassinernut ilaapput illup qallersuutai, igalaat matullu silarliit, qaliat, innaallagissamik pilersuinerimi atortut, kuuffiit, isaarissat, naqitsineq iluaqutigalugu imermut kuuffiit assigisaa-lu kiisalu avatangiisinik nukinnillu pitsanngorsaannermik siunertaqartut.

Imm. 2-mut

Utoqqalinersiuteqartutut isigineqarput inuit utoqqalinersiuteqarnissamut imaluunniit siusinaartumik pensionisiaqalernissamut pisinnaatitaasut imaluunniit tjenestemanditut soraarnerus-sutisiaqartut.

Inuk utoqqalinersiuteqalernissamut pisinnaatitaasutut isigineqarpoq utoqqalernersiutit pillugit Inatsisartut inatsisaat naapertorlugu pineqartup pisartagaqalernissamut piumasaqaatinik naammassisaqarnera pillugu aalajangiisoqartillugu.

Inuk siusinaartumik pensionisiaqalernissamut pisinnaatitaasutut isigineqarpoq siusinaartumik pensionit pillugit Inatsisartut inatsisaat naapertorlugu pineqartup pisartagaqalernissamut piumasaqaatinik naammassisaqarnera pillugu aalajangiisoqartillugu.

Utoqqalinersiuteqartut tamarmik, inissiamik piginneqataasut taakkunanilu najugaqartut kapitali una naapertorlugu taarsigassarsiasanik qinnuteqarsinnaapput. Tamanna assersuutigalugu aamma attartortumiit piginnittuunermut aaqqissuussineq malillugu inissianik tiguisimasunut atuuppoq, tak. Namminersornerullutik Oqartussat aamma kommunit attartortitsinermi inissiaataasa nammineq pigisanut inissianut allangortitsineq pillugu inatsisartut peqqussutaanni maleruagassat. Taamaattorli pisortat tapiinerat, tapiissutaat pillugu imaluunniit inissianik iluarsaassinermut pitsanngorsaanermullu aningaasalersuineq pillugu inatsisinut allanut ilaasunut inissianut taarsigassarsisitsisoqarsinnaangilaq, tak. siunnersuummi § 1, imm. 3.

Imm. 3-mut

Inuit nalunaarsorsimaffiatigut paasineqarsinnaavoq utoqqalinersiuteqartoq katissimanngitsoq inummik inersimasumik allamik najugaqateqarnersoq. Inuit taamaattut katissimallugu aappariinnertut ittumik inooqatigiinnersut, misissornissaanut tunngavissaqarsinnaavoq. Taamatut pisoqarnersoq imaluunniit taamaattoqannginnersoq, assersuutigalugu ataatsimoorussamik aningaasaqarnerq, ataatsimoorluni qitornat, ataatsimoorluni sulinngiffeqarluni angalasarnerit ilaalu ilanngullugit pillugit qinnuteqartup nammineerluni paasissutissiinera aallaavigalugu aalajangerneqassaaq.

Inuit nalunaarsorsimaffianni nalunaarsortinnissamik pisussaaffeqarnermi, Qitiusumi Inuit nalunaarsorsimaffiat pillugu Kalaallit Nunaanut inatsisip atuutsinneqalernissaa pillugu peqqussut nr. 1198, 29. november 2006-imeersoq malinneqassaaq. Qinnuteqartoq allamik najugaqateqarpat, assersuutigalugu ilaqtaminik, katissimallugu aappariinnermut assingusumik inooqatigiinneq atuutissangilaq.

Imm. 4-mut

Kapitali 3 aamma 4 tunngavigalugit ataatsikkoortumik iluarsaassinissamut taarsigassarsisitsisoqarsinnaangilaq. Utoqqalinersiaqartoq qinnuteqaatimi nassiutinnginnerani aalajangereersimassavaa kapitali 3 imaluunniit 4 naapertorlugu iluarsaassinissamut qinnuteqarnerluni.

§ 20-mut

Pingaarnertut najoqqutassatut inuulluataarniutitut isikkoqartunut iluarsaassinernut imaluunniit pitsanngorsaanernut, assersuutigalugu spabadimut, saunamut, igaffinnut akisuunut, uffarfinnut akisuunut allanullu ikkussuussanut akisuunut taarsigassarsisitsisoqarsinnaangilaq. Naggataatigulli aalajangiineq kommunalbestyrelsimit isumagineqartumik aalajangersimasumik naliliinermik tunngaveqassaaq.

Igaffimmut nutaamut taarsigassarsisitsisoqarsinnaangilaq, igaffiup pisoqaanerusoq aamma igaffik atorneqarsinnaangitsoq taarsinngippagu. Igaffimmut nutaamut taarsigassarsineq taamaallaat nalinginnaasumik igaffinnut tunniunneqarsinnaavoq igaffinnut immikkut pigissaarfiusutut atortoqanngitsunut.

Taamaattorli pisut ilaanni taamatut taarsiinerit aalajangersakkamut ilaasunik suliat ilaannut ilaasinnaapput. Assersuutigalugu perusuersartarfimmik taarsiineq imaluunniit pilersitsineq inissiami kuuffinnik suliaqarnermut ilaatinneqarsinnaavoq, taamaalilluni sulianut taakkununga ataatsimoortumik taarsigassarsisitsisoqarluni.

§ 21-mut

Imm. 1-imut

Nr. 1-imut

Utoqqalinersiuteqartunut taarsigassarsisitsinermik aaqquissuussinermut ilaapput utoqqalinersiutillit ileqqaagaqanngitsut imaluunniit aningaaserivimmi imaluunniit illuummik qularnaveequsiilluni taarsigassarsisitsisarfirmi taarsigassarsinikkut illuminnik pilersaarutaasumik piffissakkaartumillu aserfallatsaaliuinissamut aningaasalersuisinnaangitsut.

Taamaattumik iluarsaassinissamut taarsigassarsinissamut piumasaqaataavoq aningaaserivimmi imaluunniit illuummik qularnaveequsiilluni taarsigassarsisitsisarfirmi taarsigassarsinissaq pillugu qinnuteqartoqarsimanerani nalinginnaasumik piumasaqaatit malillugit itigartitsisoqarluni nalunaartoqarsimanera. Itigartitsinermi takuneqarsinnaassaaq inissiap iluarsanneqarnerata aningaasalersornissaanut taarsigassarsianut itigartitsinermik nalunaartoqarsimasoq.

Nr. 2-mut

Iluarsaassinernut il.il. taarsigassarsinerit taarsigassarsinertut ernialersugaanngitsutut akilersugassaanngitsutullu tunniunneqassapput. Iluarsaassinernut il.il. kommunalbestyrelsip taarsigassarsisitsinera inissiami qularnaveequsiinikkut qulakkeerneqarsimassaaq, tak. siunnersuummi § 22.

Ikuallattoornissamut illullu ajoqusersinnaaneranut inissiamik sillimmasiinermi akiligassanik akiliinngitsoorneq akiliinissamut tunngaviuvoq, tassa inissiami sillimmaserneqanngitsumi ikuallattoornissamut illullu ajoqusersinnaaneranut inissiamik sillimmasiinermi akiligassanik kinguaattoornerit kommunalbestyrelsip qularnaveequsiinerata nalinganut annertuumik aarlerinartorsiortitsimmata, tak. siunnersuummi § 24, imm. 1, nr. 1.

Qinnuteqartoq piffissami qinnuteqarfiusumi inissiamik sillimmasiisimangippat imaluunniit akiliutitigut kinguaattoorsimappat qinnuteqaatip suliarinissaa imaluunniit taarsigassarsinissamut neriorsuummik nalunaaruteqarnissaq isumaqassanngilaq.

Nr. 3-mut

Iluarsaassinernut il.il. kommunalbestyrelsip taarsigassarsisitsinera inissiami tamarmi qularnaveequsiisoqarneratigut qulakkeerneqassaaq, tak. siunnersuummi § 22. Inissiani aapparisaq peqatigalugu ataatsimut pigineqartuni iluarsaassinissamut taarsigassarsinissamut periarfissaqassaaq. Iluarsaassinernut taarsigassarsiat taamaattumik aamma aapparisaq ilaasutut illup

ilaatut ilaatinneqassapput. Taarsigassarsiat tunniunneqarnerinut atasumik aapparisaq inissiami tamarmik qularnaveeqqusiilluni qularnaveeqqusiinermi allagartamut akuersisussaassaaq.

Tamanna tunuliaqutaralugu iluarsaassinissamut tassungalu taarsigassarsinissaq pillugu qinnuteqaammut aapparisaq piginneqataasup akuersisimanissaa pisariaqarpoq.

§ 22-mut

Iluarsaassinernut il.il. taarsigassarsinerit taarsigassarsinertut ernialersugaanngitsutut akilersugaassaannngitsutullu tunniunneqassapput. Taarsigassarsianut qularnaveeqqutitut inissiami qularnaveeqqusiilluni allagartamik taarsigassarsisoq atulersitsissaaq. Qularnaveeqqusiilluni allagartap inissiami akisussaaffigisat allat ataqqissavai.

§ 23-mut

Taarsigassarsiat inissiamik piginnittumut (piginneqataasumut) utoqqalinersiuteqartumut aamma piginnittup inissiami najugaqarneranut taarsigassarsiaapput. Taarsigassarsisup illumik tunisinerani taarsigassarsiat akiligassanngussapput. Tamannali atuutinngilaq inissiap taarsigassarsisup aappaanut tunisineri imaluunniit kommunalbestyrelsi allamik aalajangiisimasappat.

Isumaqatigiisummut ilaannngitsumut allamut tunisisoqarnerani kommunalbestyrelsi aalajangersinnaavoq taarsigassarsiat pisisumit piumasaqaatit allannngortinnagit imaluunniit allannngortillugit tiguneqassasut. Kommunalbestyrelsi pisut naapertorlugit aamma pisisoq taarsigassarsianik ernianik akilersuutinillu akilersuisinnaatinnagu tamanna ingerlatiinnartissinnaavaa assersuutigalugu kingusinnerusukkut ernialersuinissaq aamma akilersuinissaq pillugu piumasaqaateqarnikkut.

Piviusumik inissiarpassuit inoqatigiinni ilaasortamit ataatsimit pigineqartarput, ilaasortallu allat inissiami inuit allattorsimaffianni nalunaarsugaasarlutik inissiami piginnittutut nalunaarsugaanngikkaluarlutik. Inissiamik piginnittoq taarsigassarsisimasorlu piginnittutut nalunaarsorsimasoq assersuutigalugu sapertut najugaqarfiannut nuuppat, aamma piginnittup katinni-kuunagu inooqataa imaluunniit piginnittup meerai najugaqartut inissiaq tigullugu taava kommunalbestyrelsi aalajangersinnaavoq piginnittut nikinnerinut atasumik taarsigassarsiat ingerlaannartumik akilerneqartussatut inissinneqassanngitsut. Tamanna aamma atuutissaaq piginnittup inoqatigiinneq atorunnaarsippagu, aamma piginnittup siusinnerusukkut inoqatigisimasaata tassunga atatillugu inissiamik tigusaqarpat.

Taarsigassarsisimasoq toqukkut qimaguppat aapparisaalu kingornussassatut suliarineqanngitsumiiginnarpat tamanna piginnittut nikinnerattut isigineqassanngilaq. Ataatsimut najugaqarfimmi nikittoqarnerani pippat imaluunniit aapparisaq kingornussassatut suliarineqanngitsumi

inummut isumaqatigiissummut ilaangitsumut tunisinikkut inissiamik iliuuseqarpat aatsaat piginnittut nikinnerat pissaaq.

§ 24-mut

Aalajangersakkami taarsigassarsiat qanoq ilinerani akiligassanngortinnissaannik malittarisas-saqartitsivoq. Tamanna isumaqarpoq taarsigassarsisoq taarsigassarsiat tamaasa ataatsikkoor-tillugit akilernissaannut pisussaaffeqartoq. Piumasaqaat ileqquusumik akiliisitsiniartarfimmut tunniunneqassaaq.

Nr. 1-imut

Ikuallattoornissamut illullu ajoqusersinnaananut inissiamik sillimmasiinermi akiligassanik akiliinngitsoorneq akiliinissamut tunngaviuvoq, tassa inissiami sillimmaserneqanngitsumi ikuallattoornissamut illullu ajoqusersinnaananut inissiamik sillimmasiinermi akiligassanik kinguaattoornerit kommunalbestyrelsip qularnaveeqquusiinerata nalinganut annertuumik aarle-rinartorsiortitsimmata.

Nr. 2-mut

Inissiaq attartortinneqarpat taarsigassarsiat akilerneqassapput. Inimik attartortitsinermut ilaa-voq ineeqqamik ataatsimik illumilluunniit tamakkiisillugu attartortitsineq. Attartortitsisoqarsi-manersoq kommunalbestyrelsip pisumi nalilersuina aallaaviussaaq.

Nr. 3-mut

Kommunalbestyrelsip taarsigassarsisitsinera akilerneqartussanngussaaq inissiaq taarsigassar-sisumut inissiatut atorunnaarpat. Tamanna nalinginnaalluinnartumik atuuppoq. Allamut nuunneq assersuutigalugu taarsigassarsisup paaqqutarineqartussat najugaqarfiannut nuun-neranik peqquteqarpat pisut naapertorlugit aamma kommunalbestyrelsip aalajangersimasumik naliliinera tunngavigalugu taarsigassarsisimasup qanittukkut nuunnerani piginnittut nikin-neranni taarsigassarsiat akilerneqannginnissaannik akuersisoqarneranik nalunaartoqarsin-naavoq, tak. tamanna pillugu § 23-mut nassuiaatit.

Nr. 4-mut

Siunnersuummi § 1, imm. 2-mut innersuussisoqarpoq.

§ 25-mut

Siunnersuut inatsisartut peqqussutaanni atuuttumi § 18-imut naapertuuppoq.

Imm. 1-imut

Kommunalbestyrelsi taarsigassarsiat tunniunneqarnissaannut suliamik suliarinninnermut 0,5 procentimik akitsuummik piumasaqassaaq.

Iluarsaassinernut, pitsannngorsaanernut allilerinernullu suliamik suliarinninnermut akitsuut 300.000 kr.-it 0,5 %-iannik annertussuseqassaaq tassa 1.500,00 kr.-it.

Inissianik nutaanik sanaartornermut taarsigassarsinerit pillugit suliamik suliarinninnermut akitsuutip annertussusaanut apeqqutaavoq inaarutaasumik taarsigassarsiat annertussusissaat tunngaviatigullu suliap suliarinerani aningaasartuutigineqartunit annertunerusumik matussu-siinnaalluni. Siunnersuummi § 6 malillugu annerpaamik taarsigassarsineri akitsuut 660.000 kr.-it 0,5 %-iatut naatsorsorneqarpoq tassa 3.300,00 kr.-it.

Imm. 2-mut

Taarsigassarsiat tunniunneqarnissaat pillugit taarsigassarsisup noqqaanerata peqatigisaanik akitsuut kommunalbestyrelsimut akilerneqassaaq. Taamaattoq akiliut taarsigassarsiarititassat tunniunneqarneranni ilanngaatigineqassasoq kommunalbestyrelsip aalajangersinnaavaa.

§ 26-mut

Siunnersuut inatsisartut peqqussutaanni atuuttumi § 19-imut naapertuuppoq.

Imm. 1-imut

Inissiani qularnaveeqqusiinikkut qulakkeerneqartunik pisortani taarsigassarsiffiusunik inissianik tunniussineri amerlanertigut isumaqatigiissutigineqartarpoq pisisup pisortanit taarsigassarsiat tigussagai. Pisortat taarsigassarsiaannik tigusinerup kinguneraa akiitsortit nikinneri tamannalu taarsigassarsisitsisumit akuerineqarnissaa pisariaqarluni. Tassunga atatillugu aallaqqaammut qularnaveeqqusiinermi allagartamut takussutissamik piareersaasoqassaaq.

Akiitsortip tapiliussamik piareersaasoqarnissaanut akisussaavoq. Aammattaaq taarsigassarsisup taarsigassarsianik allannngortitsineranut atatillugu, nikittoqarneranik suliarinninnermi aamma akileeqqusilluni uppernarsaalluni atsiornerni qularnaveeqqusiinermut allagartamut tapiliortoqassalluni.

Aalajangersagaq akilersuinissamut isumaqatigiissutip naammassinerani imaluunniit siusinaarluni akilersimaneranut akiliisimanermut uppernarsaatip nalunaarutigineqarneranut atuutinngilaq.

Imm. 2-mut

Imm. 1-imi pineqartut qularnaveeqqusiinermi allagartani uppernarsaalluni atsiornernut kiisalu akitsuummik akileeqqusinermut aningaaserivik ataaseq arlallilluunniit kommunalbestyrelsimit piginnaatinneqarsinnaapput. Erseqqipporli qularnaveeqqusiinermi allagartami uppernarsaalluni atsiornermut tunngavigineqartumik aalajangiineq kommunalbestyrelsimit taarsigassarsisitsisumit aalajangerneqartarmat. Taamaalluni uppernarsaalluni atsiorneq kisimi aningaaserivimmit isumagineqartussaalluni.

§ 27-mut

Imm. 1-imut

Qinnuteqaat kommunalbestyrelsimut nassiunneqassaaq. Qinnuteqaat kommunalbestyrelsimut kommunimi illuutip inissisimaffiani imaluunniit sananeqarfissaanut nassiunneqassaaq. Qinnuteqaat tassungalu ilanngussat allaganngorlugit nassiunneqassapput. Qinnuteqaat aamma allakkasuaatikkut imaluunniit allakkat scannerlugit mailikkut nassiunneqarsinnaapput. Allaganissaannik piumasqaatip paasissutissat allagaatillu attuumassuteqartut kommunalbestyrelsimit tiguneqarnissaannik qulakkeerissaaq.

Imm. 2-mut

Pilersaarummut nassuiaat amerlanertigut taarsigassarsisup ingeniørianit siunnersuisumut piareersarneqartassaaq, taanna taamaaliortussanngorlugu suliakkerneqarsimappat. Tamatuma saniatigut qinnuteqartup sanaartornermi aningaasartuutit tamarmiusut pillugit missingersuusiamik ilanngussissaaq. Aningaasartuutit ukiukkaarlugit immikkoortiterneqarnissaat piumasqaatigineqanngilaq.

Qinnuteqaammut aamma kommunalbestyrelsimiit nunaminertamik immikkoortitsineq imaluunniit nunaminertamik tunineqarneq kiisalu nammineq aningaasalersuinissap anguneqarsimaneranut uppernarsaat ilanngunneqarsinnaapput.

Nammineq aningaasalersuinissamut uppernarsaat amerlanertigut tassaasarpog taarsigassarsisup aningaaserivianiit nalunaarut, tassani allassimalluni aningaasalersuinerup nammineq akisussaaffigisaminut taarsigassarsisoq iliuseqarnissamut periarfissaqartoq. Kiisalu qinnuteqaammut ilanngunneqassalluni qinnuteqartup kinaassusaanik erseqqissumik uppernarsaat. Qinnuteqartoq inuuppat najugaqarnermut uppernarsaat qinnuteqaammut ilanngunneqassaaq. Qinnuteqartoq inatsisitigut pisinnaatitaallunilu pisussaataaappat CVR normu imaluunniit alla erseqqissumik kinaassutsimik uppernarsaat ilanngunneqassapput.

Kiisalu qinnuteqartup pisortanut akiitsui pillugit Akiliisitsiniartarnermi oqartussaniit nalunaarummik qinnuteqartoq nassiussissalluni. Akiliisitsiniartarnermi oqartussat ilisimatitsissutigisavaat akiligassanik akilerneqarsimanngitsunik pisortanut akiitsoqarnersoq.

Imm. 3-mut

Qinnuteqaammik suliarinninnermi kommunalbestyrelsip nalilissavaa taarsigassarsisitsinissamut piumasqaataasut naammassineqarsinnaanersut.

§ 28-mut

Imm. 1-imut

Qinnuteqaat kommunalbestyrelsimut nassiunneqassaaq. Qinnuteqaat tassungalu ilanngussat allaganngorlugit nassiunneqassapput. Qinnuteqaat aamma allakkasuaatikkut imaluunniit

allakkat scannerlugit mailikkut nassiunneqarsinnaapput. Allagaanissaannik piumasagaatip paasissutissat allagaatillu attuumassuteqartut kommunalbestyrelsimit tiguneqarnissaannik qulakkeerisaaq.

Imm. 2-mut

Iluarsaassinerit, pitsanngorsaanerit imaluunniit allilerinerit kissaatigineqartut allaaserineqarneri taarsigassarsinissamut qinnuteqartumit ilanngunneqassaaq. Allaaserinninneq tassaasinnaavoq pilersaarummik nassuiaat taarsigassarsisup ingeniørianit siunnersuisumut piareersarneqartassaaq, taanna taamaaliortussanngorlugu suliakkerneqarsimappat. Allaaserinninneq aamma tassaasinnaavoq pappiaraq assersuutigalugu pitsanngorsaait suut taarsigassarsiniartumit suliarineqarusunnersut pillugu naatsumik taarsigassarsiniartumit nassuiarneqarlutik. Qinnuteqaat aamma sulinermi aningaasartuutit tamarmiusut pillugit missingersuummik ilanngussiffigineqassaaq. Amerlanertigut taarsigassarsisoq sanasumiit neqeroorut imaluunniit taarsigassarsisup aningaaserivianiit aningaasartuutit tamarmiusut pillugit naatsorsuummik ilanngussaqaassaaq. Kiisalu aningaasartuutit tamarmiusut allaaserineqarlutik allakkiamik taarsigassarsisoq nammineq piareersaasinnaalluni.

Kiisalu taarsigassarsinissamut qinnuteqaammut ilanngunneqassalluni kommunalbestyrelsimiit nunaminertamik immikkoortitsineq imaluunniit nunaminertamik tunineqarsimaneq, sulineq pineqartoq nunaminertamik tunineqarnissamik pisariaqartitsisimappat. Kiisalu nammineq aningaasalersuinissap anguneqarsimaneranut uppersaataat qinnuteqaammut ilanngunneqassaaq. Nammineq aningaasalersuinissamut uppersaataat amerlanertigut tassaasarpoq taarsigassarsisup aningaaserivianiit nalunaarut, tassani allassimalluni aningaasalersuinerup nammineq akisussaaffigisaminut taarsigassarsisoq iliuseqarnissamut periarfissaqartoq. Kiisalu qinnuteqartup najugaqarnermut uppersaataa qinnuteqartup kinaassusaanik erseqqissumik uppersaataasoq, qinnuteqartup inissiami najugaqarneranik uppersaataasoq qinnuteqaammut ilanngunneqassalluni.

Kiisalu qinnuteqartup pisortanut akiitsui pillugit Akiliisitsiniartarnermi oqartussaniit nalunaarummik qinnuteqartoq nassiussissalluni. Akiliisitsiniartarnermi oqartussat ilisimatitsissutigisavaat akiligassanik akilerneqarsimanngitsunik pisortanut akiitsoqarnersoq.

Imm. 3-mut

Qinnuteqaammik suliarinninnermi kommunalbestyrelsip nalilissavaa taarsigassarsisitsinissamut piumasagaataasut naammassineqarsinnaanersut.

§ 29-mut

Aalajangersagaq nutaajuvoq aamma siunnersuummi § 34-mut atatillugu isigineqassalluni.

Qinnuteqartoq pisortanut akiitsunik akilerneqarsimanngitsunik akiitsoqarpat taarsigassarsinissamut neriorsuummik nalunaartoqarsinnaanngilaq. Taamaalilluni pingaartinneqarpoq

pisortanut akiitsunik akilerneqarsimangitsunik 25.000 kr.-nit sinnerlugit akiitsoqareersunut qinnuteqartunut kommunalbestyrelsi taarsigassarsisitsinnaanngitsoq. Taarsigassarsisitsineq aningaasaliiffigineqassappat taarsigassarsinissamik qinnuteqartoq pisortanut akiitsuni isuman-naaqaassavai.

§ 30-mut

Siunnersuut inatsisartut peqqussutaanni atuuttumi § 22, imm. 1 aamma 3-mut naapertuuppoq.

Imm. 1-imut

Taarsigassarsinissamut qinnuteqaat kommunalbestyrelsimit akuerineqareerpat taarsigassarsinissamut neriorsuummik qinnuteqartumut tunniussisoqassaaq. Taarsigassarsinissamut neriorsuummi taarsigassarsiap annertussuserillagaa aamma taarsigassarsinissamut neriorsuummut piunasaqaatit allat atuuttut allassimassapput. Taarsigassarsinissamut neriorsuut qinnuteqaammut aalajangersimasumut sanaartornermullu akuerineqartumut nalunaarutigineqassaaq.

Imm. 2-mut

Sanaartornermut qinnutigineqartumut aningaasartuutit pillugit missingersuummi sippuisoqarsimanera paasineqarpat taarsigassarsisoq pissutissaqanngitsumik kinguarsaanani kommunalbestyrelsimut nalunaaruteqassaaq. Missingersuutit allanngornerinut qaffanneqarnerinullu kommunalbestyrelsi piviusumik isummernissamut periarfissinneqassaaq.

Kommunalbestyrelsi taarsigassarsinissamut neriorsuutip qaffanneqarnissaa itigartitsissutigisinnaavaa assersuutigalugulu sanaartornerup allanngortinnissaa taarsigassarsisumut kaammattuutigalugu. Taarsigassarsinermut neriorsuummut tamakkiisumik ilaannakuusumilluunniit qaffannissaanik kommunalbestyrelsi nalunaaruteqarsinnaavoq.

Pissutissaqanngitsumik kinguarsaanani taarsigassarsisoq kommunalbestyrelsimut nalunaaruteqanngippat inaarutaasumik taarsigassarsiat taarsigassarsinissamut neriorsuummik qaangiisinaanngillat. Aningaasartuutit pillugit missingersuutininik qaangiinissaq naatsorsuutigisariaqartoq taarsigassarsisumit paasineqarnerata kingorna sapaatit akunneri marluk-sisamat iluanni taarsigassarsisoq nalinginnaasumik taarsigassarsisitsisumut nalunaaruteqartariaqarpoq.

§ 31-mut

Siunnersuut inatsisartut peqqussutaanni atuuttumi § 22, imm. 2-mut aamma § 10, imm. 3-mut aamma § 6, imm. 2-mut iluarsisisoqareernerani naapertuuppoq.

Imm. 1-imut

Sanaartornermut naatsorsuutit inaarutaasumik uppernarsarneqarneri pigineqalerpat aatsaat taarsigassarsiat inaarutaasumik annertussusaat naatsorsorneqarsinnaalissaaq. Sanaartornermi naatsorsuutit inaarutaasut uppernarsarneqarsimasut isumaqatigiisummut ilaanggitsumit

attaviitsumit suliarineqarnissaannut atsiorneqarnissaannullu taarsigassarsisoq akisussaavoq. Sanaartornermi naatsorsuutit assersuutigalugu taarsigassarsisup aningaasaqarnikkut siunnersuisuanit, kukkunersuisuanit, sanaartornermi siunnersortaanit imaluunniit sanasumi sanaartornermik isumaginnittumit suliarineqarlutillu atsiorneqarsinnaapput.

Aalajangersakkami allattorneqartuni aningaasartuutininut ilanngunneqarsinnaasunut sanaartornermi naatsorsuutit ilaapput, assersuutigalugu ilaapput pilersaarusernermi aningaasartuutinik, sanasunut aningaasartuutinik, sanaartorfigissaanermut, sanaartornermik aqutsinermut, aningaaserivimmi taarsigassarsinissap pilersinneqarneranut aningaasartuutit, sanaartornermi taarsigassarsianut ernianik, eqqartuussissuserisumut akiliutit, qularnaveeqqusiinermi allagartat naqissusernerinut nalunaarsornerinullu aningaasartuutit, sanaartornermik nakkutiliinermut aningaasartuutit aamma sanaartornermut attuumassuteqartut aningaasartuutit allat. Sanaartornermi aningaasartuutit attuumassuteqartut tamarmik ilanngunneqarnissaannut taarsigassarsinissamut qinnuteqartup akisussaaffigaa.

Sanaartornermi naatsorsuutini aningaasartuutigineqarsimasut sanaartornermut ileqquusumik ilaasutut inissinneqarsinnaaneri pillugit kommunalbestyrelsi aalajangersimasumik naliliissaaq.

Imm. 2-mut

Aallaaviatigut taarsigassarsinissamut qinnuteqartup nammineq suliaqarnera sanaartornermi aningaasartuutit tamarmiusut naatsorsornerinut ilaanngilaq. Taamaattorli taarsigassarsinissamut qinnuteqartup nammineq suliaqarnera sanasutut sulinertut illersorneqarsinnaasumik suliaansoq nalinginnaasumik nalileruminaassinnaavoq. Taamaalilluni aamma taarsigassarsinissamik qinnuteqartup nammineq sulinerata nalinganik aalajangiisinnaaneq sapernarluni.

Taarsigassarsisup nammineq sulinera pillugu aalajangersakkamut, taassuma sanasutut, VVS aamma Innallagialerisutut il.il. ilinniagaqarsimaneranut atasumik ingerlataqarneranut sanaartorneq taarsigassarsinissamut qinnuteqartumit ingerlanneqarsimannginnera erseqqissarneqarpoq. Piumasaqaatigineqarpoq taarsigassarsisup sanaartornermut atasumik nammineq sulinera taarsigassarsisup suliffeqarfiata naatsorsuutaasa inernerinut namminerlu nalunaarutaanut ilaassasut.

Namminersorluni sanasutut mesteri taamaalilluni kommunalbestyrelsimiit taarsigassarsilluni sanaartornermi suliaqarsinnaavoq. Taamaattorli uppersararneqassalluni sulinerup nalinganik naatsorsuineq pineqartup sanasutut suliffeqarfiata naatsorsuutaasa inernerinut namminerlu nalunaarutaanut ilaassasut.

§ 32-mut

Siunnersuut inatsisartut peqqussutaanni atuuttumi § 23-mut naapertuuppoq.

Imm. 1-imut

Neriorsuinerit tunniunneqartut atorineqarnissaat imaluunniit atorunnaarsinneqarnissaat qulakkeerneqassaaq. Neriorsuummik tunniussinermi kommunalbestyrelsip sanaartornermi aningaasaataasa ilai immikkoortinneqarput. Pilersaarut qinnutigineqartut naammassineqanngippat pingaarpoq aningaasat siunertanut allanut salliutinneqarsinnaanerat.

Imm. 2-mut

Taarsigassarsisup taarsigassarsinissamut neriorsuummut angusaanut pilersaarummik taarsigassarsisup aallartitsisimaneranut kommunalbestyrelsimut uppersaanissamut taarsigassarsisoq pisussaaffeqarpoq. Taarsigassarsisoq nammineq nalunaarummik piareersaasinnaavoq, kisianni aamma taarsigassarsisup tamanna pillugu ingeniøri siunnersortaasoq noqqaaffigisinnaallugu, taanna taamaaliortussanngorlugu suliakkerneqarsimappat. Nalunaarummiisaaq ingerlatat aallartinneqarsimaneri imaluunniit aallartinneqarsimannginneri pillugit naatumik paasissutissiineq. Pisariaqanngilaq sanaartornerup qanoq annertutigisumik angusaqarfiusimaneranik sukumiisumik nassuiaasiornissaq.

Imm. 3-mut

Atulernissaanut akuersissutip assilineranik kommunalbestyrelsimut nassiussinissamik taarsigassarsisoq pisussaaffeqarpoq. Taarsigassarsisup nammineq assilisaq nassiussinavaa imaluunniit tamanna pillugu ingeniøri siunnersortaasoq qinnuigisinnaalluni, taanna taamaaliortussanngorlugu suliakkerneqarsimappat.

Imm. 4-mut

Piffissaliussanit allanneqarsimasuniit kommunalbestyrelsi immikkut akuersisinnaavoq. Immikkut akuersisinnaaneq annerusumik eqqarsaatigineqarpoq sanaartornerup aallartilluarsimanerani kiisalu atulernissaanut akuersissutip tunniunneqarnissaanik taamaallaat utaqqisoqarnerani atorineqassasoq. Aalajangersakkap tunuani pingaarnertut eqqarsaatigineqartoq tassaavoq aningaasat akuersissutigineqartut siunertanut atorineqarnissaasa qulakkeerneqarnissaat.

§ 33-mut

Siunnersuut inatsisartut peqqussutaanni atuuttumi § 7, imm. 1-imi aamma § 14-imi malittariassalianik ingerlatitseqqinneruvoq.

Imm. 1-imut

Isumaqtigiissutip avataaniittup attaviitsup sanaartornermi naatsorsuutini inaarutaasunik uppersarneqarsimasunik piareersaanissaanut atsiorneqarnissaanullu taarsigassarsisoq akissusaavoq. Sanaartornermi naatsorsuutit assersuutigalugu taarsigassarsisup aningaasaqarnikkut siunnersortaanit, kukkunersiuisumit, sanaartornermi siunnersortimi imaluunniit sanasumi sanaartornermik isumaginnittumi atsiorneqarsinnaapput.

Pisortanit taarsigassarsianut qulakkeerinertut qularnaveeqqusiilluni allagartanik suliaqarnermik isumaginnittusoq tassaavoq taarsigassarsisoq nammineq imaluunniit taarsigassarsisup

eqqartuussissuserisua, aningaaserivia imaluunniit taarsigassarsisumut siunnersorti alla, tasunga ilanngullugit naqissusiinermut akitsuummik aamma Kalaallit Nunaanni Eqqartuussivimmi Nalunaarsuiffimmi nalunaarsugaanerup akilerneqarnissaata isumagera, tamanna tunngavigalugu taarsigassarsianik tunniussisumut kommunalbestyrelsimit allagaativiit nas-siunneqarnissaat sioqqullugu. Kiisalu illup ikuallattoornissamut illullu ajoqusersinnaaneranut sillimmasersorneqarsimaneranut uppersaatnik taarsigassarsisoq saqqummiussissalluni.

Kommunalbestyrelsimiit taarsigassarsiat aningaasaliissutit ukiumi kommunalbestyrelsip mis-singersuutinik akuersineranut ilanngunneqarnerini siusinnerpaamik tunniunneqarsinnaapput.

Imm. 2-mut

Inissianut nutaanik sanaartornermut aamma illunut pioreersunut allilerinermut taarsigassarsia-nik tunniussinermut piumasarineqarpoq atulernissaanut akuersissummik peqarnissaq, sanaar-tornerup imaluunniit allilerinerup naammassineqarsimaneranik aamma sanaartornermi malit-tarisassanik aamma sanaartorneq pillugu inatsisinik atuuttunik naapertuunnerani qulakkeeri-soq.

§ 34-mut

Siunnersuut nutaajuvoq aamma siunnersuummi §§ 29-imut 31-imullu atatillugu isigineqassal-luni.

Imm. 1-imut

Taarsigassarsianik tunniussisoqarnerani kommunalbestyrelsip nakkutigissavaa taarsigassarsi-sup akiitsunik akilerneqanngitsunik pisortanut akiitsoqannginnera. Taarsigassarsisoq pisorta-nut akiitsunik akilerneqanngitsunik akiitsoqarpat kommunalbestyrelsi Akiliisitsiniarnermut oqartussanut taarsigassarsianit tunniussissaaq taamaalilluni akiitsut isumannaarneqarlutik. Taarsigassarsiat ilaannik sinneruttut taarsigassarsisumut imaluunniit nuussinermut imaluunniit akiliussineq naapertorlugu tamatumunnga pinsinnaatitaasumut tunniunneqassapput.

Taamaalilluni pingartinneqarpoq pisortanut akiitsunik akilerneqarsimannngitsunik akiitsoqa-reersunut qinnuteqartunut kommunalbestyrelsi taarsigassarsisitsinnaanngitsoq. Taamaattorli taarsigassarsinissamut neriorsuummik nalunaartoqarsimavoq sanaartornerlu naammassineqar-simalluni. Pisortanut akiitsut akilerneqarsimannngitsut isumageqqaartinnagit taarsigassarsisoq taarsigassarsianit iluanaarutissanik tunineqarsinnaanngilaq.

Imm. 2-mut

Aalajangersakkap kingunerisaanik nuussinernut, akiliussinernut imaluunniit akiliisinnaajun-naarnernut naleqqiullugu pinsinnaatitaaffeqartut allat sioqqullugit pisortanut akiitsut akilerne-qarsimannngitsut matussuserneqarnissaat piumasaqaataavoq. Salliutitsineq aalajangersakkap atulersinneqarneraniit atuutilissaaq aamma immikkut qulakkeerinermut takussutissiisoqartin-nagu.

§ 35-mut

Siunnersuut inatsisartut peqqussutaanni atuuttumi § 5-imut naapertuuppoq.

Imm. 1-imut

Aalajangersakkami inissiami inissiap annertussusia tamarmiusoq qanoq naatsorsorneqassanersoq aalajangersarneqarpoq. Assersuutigalugu suliffeqarfik namminersortoq ilaqutariinnut arlalinnut illumik, arfinilinnik inissiaqartumik, taakkunanga inissiat pingasut 100 kvadratmeteriullutik aamma inissiat pingasut 140 kvadratmeteriullutik, sanaartornissamut taarsigassarsinissaq pillugu qinnuteqarpat inissianut ataasiakkaanut tamanut pisortat taarsigassarsisitsinissaat naatsorsorneqassaaq.

Pequusivik, qui, biilnut oqqussivik, aneerasaartarfik imaluunniit biilit unittarfia oqorsarneqartillugu inissiamullu ilanngunneqarnissaa teknikkikkut ajornangippat, kisiannili nunaminertamik tunineqanninneq pissutigalugu imaluunniit pilersaarusionermut inatsimmut akertuunera pissutigalugu ajornarpat, taava pequusivik, qui, biilnut oqqussivik, aneerasaartarfik imaluunniit biilit unittarfia najugaqarfimmut ilanngullugu naatsorsorneqassanngilaq, tassa taamatut inissiamut ilanngussineq nunaminertamik pilersaarusionermilu inatsimmut akertuussamat.

Imm. 2-mut

Aalajangersagaq naqqup ataani, inimi nalinginnaasumik qalianilu inissiap annertussusaata qanoq naatsorsorneqarnissaanut teknikkikkut immikkuualunnerusunik imaqarpoq.

Imm. 3-mut

Aalajangersakkap kinguneraa inissiat najugaqarfittut aaqqissuunneqarsimappata naqqup ataata aamma qaliap najugaqarfittut qanoq naatsorsorneqassanersoq, tassa imaappoq taakku oqorsagaappata.

Imm. 4-mut

Inimi aalajangersimasumik nateqanngitsumi annertussuseq paasineqarpoq inissiami immikkoortoq killeqartoq, natermut taarsiullugu nateq ammaannartuulluni. Assersuutigalugu inissiaq imatut aaqqissugaasinnaavoq ineqarluni aamma qulaani ineqarluni. Inimi qullermi inimi teqeqqoq, sinaakkutinik killilerneqarsimasoq, nateqartinnagu aaqqissugaasinnaavoq, taamaallilluni tassanngaanniit inimut allermut isigisoqarsinnaalluni. Teqeqqoq taanna tassaavoq initaq nateqanngitsoq taamaattumillu inissiap annertussusaanut ilanngullugu naatsorsorneqassanngitsoq, tamaani majuartarfeqanngippat.

Imm. 5-imut.

Isertarfiit, majuartarfiit majuartarfiillu sangoraat ataatsimut atorneqartut annerpaamik 11 kvadratmeterinik annertussuseqartut ilanngunneqarsinnaapput, tassa annerpaamik taarsigas-

sarsiffiusinnaasut 110 kvadratmeteri 10 %-ii. Inissiaq 110 kvadratmeterinik angineruppat isertarfiit, majuartarfiit majuartarfiillu sangoraat ataatsimut atorneqartut annerpaamik 11 kvadratmeterisut suli ilanngunneqassapput.

§ 36-mut

Siunnersuut inatsisartut peqqussutaanni atuuttumi § 6, imm. 1-imut naapertuuppoq.

Inissiap kvadratmeterimut akia inissiap sanaartornerani aningaasartuutit tamarmiusut inissiap initaanit tamarmiusunit agguarneqarnera tunngavigalugu naatsorsorneqassaaq.

§ 37-mut

Aalajangersagaq nutaajuvoq.

Inissianik nutaanik sanaartornermut taarsigassarsiat ukiut 35-it tikillugit tamarmiusumik akilersuiffissaqarput. Ukiut siulliit 20-it tikillugit taarsigassarsiat ernialersorneqaratillu akilersugassaannngillat. Tamatuma kingunerisaanik kommunalbestyrelsi aningaasanik annertuunik inissianiititaqarsinnaavoq. Piffissami sivisuumik akilersuinerup tassungalu ilanngullugu ukiut 20-it tikillugit ernialersuinnginnerup akilersuinnginnerullu kingunerisaanik kommunalbestyrelsip taarsigassarsisitsinerata nalinga aningaasat naleerukkiartornerat malillugu ingerlaavartumik annikilliarforsinnaavoq.

Siunnersuutip kinguneraa taarsigassarsisup piffissamik sioqqutsilluni ullutsinni nalimut taarsigassarsianik inaaraluni akiliinissamut periarfissaqarnera. Tamanna isumaqarpoq piffissami inaaraluni akiliiffiusumi taarsigassarsiat nalinginik naatsorsuinermi taarsigassarsiat piffissami akilersornissaasa sinneranni aningaasat naleerukkiartorneri sillimaffigineqassasut. Siunnersuutigineqarpoq maannakkut nalimik naatsorsuineq 3 %-imik Nationalbankip ernialiuttagaa ilanngullugu ullormi qinnuteqarfiusumi erniaqartitsineq tunngavigalugu ingerlanneqassasoq. Maannakkut erniatigut piumasaqaatit atorlugit taarsigassarsisut taarsigassarsiaminnik isumanaarinnissaannut kajumissaasoqarpoq aamma aningaasat tigorianaanaat siunertanut allanut atorneqarsinnaaneritut kommunalbestyrelsi periarfissinneqarluni.

Piffissaq sioqqullugu inaaraluni akiliinissamut noqqaaneq aamma ullutsinnut nalimut utertisilluni ernialersuineq taarsigassarsinerup tunniunneqarneraniit siusinnerpaamik ukiut tallimat kingorna pisinnaavoq. Ernialersuineq taamaallaat piffissamut taarsigassarsiarititit ernialersugaanatillu akilersugaaffissarinngisaata sinneranut tunngatinneqarsinnaavoq. Taamaalilluni ernialersuineq annerpaamik ukiut 15-it tikillugit atuutsinneqarsinnaavoq.

Siunnersuummi § 39, imm. 2 malillugu piffissaq sioqqullugu inaaraluni akiliineq pillugu aalajangersagaq aamma inissianik nutaanik sanaartornermut taarsigassarsiatut tunniunneqareersimasunut atorneqarpoq.

Aalajangersimasumik suleriaaseq malillugu ernialersorneqanngitsumik pisortat taarsigassarsinerat akileraarutaasussaannngitsutut isigineqarpoq, ernialersuinnginnerup qanoq naleqarsinnaanera apeqqutaatinnagu. Taamaaqataanik naatsorsuutigineqarpoq ullutsinni nalimut kingumut naatsorsuinermi taarsigassarsiat atsiorneqarnerisa angissusiannik appaaneq akileraarutaasussaannngilaq.

§ 38-mut

Inatsisissatut siunnersuut siunnersuutigineqarpoq 2018-imi januaarip aallaqqaataani atulersinneqassasoq. Peqatigisaanik illuliortitsinermi aningaasalersuineq pillugu Inatsisartut peqqussutaat inatsisartut peqqussutaatigut nr. 5, 26. maj 2010-imeersukkut allanngortinneqartoq atorunnaarsinneqarpoq.

§ 39-mut

Taarsigassarsiat aamma taarsigassarsinissamut neriorsuutit pisut taarsigassarsinermi aamma taarsigassarsinissamut neriorsuutini piumasaqaatitut nalunaarutigineqartuni ingerlateqqinneqassapput.

§ 40-mut

Qinnuteqartut inatsisartut peqqussutaat siusinnerusoq naapertorlugu neriorsorneqarsimasut siunnersuummi matumani maleruagassat malillugit nutaamik neriorsuummik qinnuteqarnissaq toqqarsinnaavaat. Tamanna taarsigassarsinissamut qinnuteqartunut soqutiginarsinnaavoq maleruagassat nutaat taarsigassarsinissamut qaffasinnerusunut neriorsuummik pissarsinissamut tunngavissiimmata.

Neriorsuutip tunniunneqareersimasup aqqissuussinermit nutaamut nuunneqarnissaanut inatsimmi pisinnaatitaaffiliisoqanngilaq.

Taamaattorli siunnersuut manna naapertorlugu inissianik nutaanik sanaartornermut taarsigassarsinissaq pillugu neriorsuutini nutaani piginnittut nikinnerini akitsuut pillugu siunnersuummi § 11, imm. 2 arajutsinaveersaassavaat.

Inatsisartut inatsisaat manna malillugu nutaamik neriorsuummik tunniussisoqarpat, Inatsisartut peqqussutaat siusinnerusukkut atuuttoq malillugu Namminersorlutik Oqartussanit taarsigassarsititsinissamut neriorsuut atorunnaassaaq.

Taarsigassarsititsinissamik neriorsuummik tunniussisoqarniariarpat, Namminersorlutik Oqartussat aningaasassat Sanaartugassanut Iluarsagassanullu aningaasaateqarfimmut illuartittarpai. Neriorsuut ulloq 1. januar 2018 tunniunneqartoq tunngavigalugu taarsigassarsiarititassanik

tunniussinissamut aningaasassat taamaalilluni Sanaartugassanut Iluarsagassanullu aningaasateqarfimmiitinneqartarput aammalu Namminersorlutik Oqartussanit tunniunneqartussaallutik.

Tassa imaappoq, taarsigassarsititsinissamik neriorsuut, suliassaqarfiup kommuninut nuutinneqarnissaa sioqqullugu Namminersorlutik Oqartussanit tunniunneqartoq, illu sananeqareerpat aammalu qularnaveeqqusiussaqaarluni taarsigassarsiarititanut uppersaataat, atuilernissamut akuersissut il.il. saqqummiunneqarpata, Namminersorlutik Oqartussanit tunniunneqartussaapput. Taarsigassarsititsinissamut neriorsuutit peqqussut maannakkut atuuttoq naapertorlugu tunniunneqarput aammalu taanna malillugu suliarineqassallutik.